




日知館
文庫印

七言古詩叙目

凡十
三卷

明新寧高棟編集出陽牛其校刻



第一卷

正始

王宏 一

王勃 四

盧照隣 一

駱賓王 一

劉庭芝 二

喬知之 二

陳子昂 一

王適 一

李嶠 二

沈佺期 三

徐玄之 一

宋之問 七

王無兢 一

郭振 一

盧僎 一

張說 一

徐彥伯 一

吳少微 二



劉廷琦

李如璧

李昂

胡浩

賀朝清

萬齊融

王翰

孫逖

玄宗皇帝

賀知章

許景先

各一首附

七言雖云始自漢武栢梁然歌謠等作出自古也如甯戚之商歌七言略備迨漢則純乎成篇下及魏晉相繼有述其間雜以樂府長短句詞吟曲引篇行詠調之屬皆名為詩唐初作者亦少獨宋之間數首為時所稱又如郭代公寶劍篇張燕公鄴都引調頗凌俗然

而文體聲律抑揚頓挫猶未盡善今自王宏而下至開元初通得二十九人共詩四十六首為正始

第二卷

正宗一

李白

三十九

第三卷

正宗

李白

三十五

太白天仙之詞語多率然而成者故樂府歌

辭咸善或謂其始以蜀道難一篇見賞於知音為明主所愛重此豈淺才者徼幸際其時而馳騁哉不然也白之所蘊非止是今觀其遠別離長相思烏栖曲鳴皋歌梁園吟天姥吟廬山謠等作長篇短韵驅駕氣勢殆與南山秋色爭高可也雖少陵猶有讓焉餘子瑣瑣矣揭為正宗不亦宜乎

第四卷

大家

杜甫

五十二

疾公疾公結撰無施不可故其所作有平淡簡易者有綺麗精確者有嚴重威武若三軍之帥者有奮迅馳驟若泛駕之馬者有澹泊閑靜若山谷隱士者有風流醞藉若貴介公子者蓋其緒密而思深觀者苟不能臻其闢奧未易識其妙處夫豈淺近者所能窺哉此子美所以光掩前人後來無繼也余觀其集之所載哀江頭哀王孫古栢行劔器行浹陂行兵車行洗兵馬行短歌行同谷歌等篇益以斯

言可徵故表而出之為大家

第五卷

名家上

高適 二十岑參 三十

第六卷

名家下

李頎 十八 王維 十七 崔顥 八

盛唐工七言古調者多李杜而下論者推高
岑三李崔顥數家為勝竊嘗評之若夫張皇
氣勢陟頓始終綜覈乎古今博大其文辭別

李杜尚矣至於沉鬱頓挫抑揚悲壯法度森
嚴神情俱詣一味妙悟而佳句輒來遠出常
情之外之數于者誠與李杜並驅而爭先矣
今俱列之於名家以高適岑參合詩五十首
為上卷李頎王維崔顥合詩四十三首為下
卷

第七卷

羽翼

孟浩然 三 萬楚 一 丁仙芝 一
劉復 一 儲光羲 四 張謂 四

王昌齡

五張南容

畢耀

賀蘭進明

五崔國輔

賈至

孟雲卿

一王季友

常建

一元結

四薛業

張志和

獨孤及

二張潮

鮑防

盛唐名家之外作者不多見若儲光羲張謂王季友諸人不過所錄者是通得二十一人共詩四十七首為一卷

第八卷

武上

第九卷

接武下

劉長卿

二十錢起

十三韓翃

九

李嘉祐

四

韋應物

四

皇甫冉

三

郎士元

二

朱放

一

司空曙

二

盧綸

五

李端

三

戎昱

二

李益

五

朱湾

二

顧祝

四

馮著

一

劉商

一

楊衡

四

朱長文

一

戴叔倫

二

長孫佐輔

一

中唐來作者亦少可以繼述前諸家者獨劉

長卿錢起較多聲調亦近似韓翃又次之他
若李嘉祐韋應物皇甫湜盧綸戎昱李益之
儔略見一二雖體制參差而氣格猶有存者
亦不可闕今皆取之分為二卷以劉錢韓三
家合詩四十二首為上卷又自李嘉祐而下
至貞元末共一十八人合詩四十九首為下
卷

第十卷

正變上

王建

二十九

張籍

二十九

漢武帝立樂府官采詩以四方之音被之聲
樂其來遠矣後世沿襲古意略存或因意命
題或學古叙事尚能原閨門衽席之遺而達
之於宗廟朝廷之上去古雖遠猶近唐世述
作者多繁音日滋寓意古題刺美見事者有
五之即事名篇無復宮商者有之大曆以還古
聲愈下獨張籍王建二家體制相似稍復古
意或舊曲新聲或新題古義詞旨通暢悲歡
窮泰慨然有古歌謠之遺風皆名為樂府雖
未必盡被於絃歌是亦詩人引古以諷之義

歎抑亦唐世流風之變而得其正也歎今合
二家詩五十七首為正變後之審音者倘采
聲以造樂二子其庶乎

第十一卷

正變下

韓愈

二十

李賀

二十

元和歌詩之盛張王樂府尚矣韓愈李賀文
體不同皆有氣骨退之之叙已備五言又如
琴操等作前賢稱之詳矣此不容贅若長吉
者天縱奇才驚邁時輩所得離絕凡近遠去

墨哇逕時人亦頗道其詩如時花美女不
足為其色也風樁陣馬不足為其勇也荒國
侈殿棟斧血隴不足為其恨怨悲愁也鯨吸
鰲擲牛鬼蛇神不足為其虛荒誕幻也嗚呼
使長吉假之以年少加於理其格律豈止是
哉嚴滄浪云盧仝之怪長吉之詭天地間自
欠此體不得余故并韓公合為一卷共詩五
十二首為正變

第十二卷

餘響

武元衡一 楊巨源二 權德輿四

劉禹錫六 李涉五 柳宗元三

盧仝二 孟郊一 元稹一

白居易六 施肩吾一 温庭筠五

李商隱一 杜牧一 李群玉

裴說 張泌

元和以後述貞元之餘韻者權德輿劉禹錫而已其次能者各開戶牖若盧之險怪孟之寒苦白之庸俗温之美麗雖卓然成家無足多矣故略其精者自武元衡而下至唐末通

得十七人共詩四十六首為餘響

第十三卷

旁流

有姓氏無字里世次可考九人詩九首

杜顥一 薛竒童一 張若虛一

李章一 張鼎一 衛萬一

陳閏一 李暇一 莊南傑一

無姓氏詩一首

姓氏疑誤者五人詩十一首

韋元甫一 李頎四 韋應物三

戎昱 二 羅隱 一

衲子四人詩九首

皎然 六 隱巒 一 貫休 一

寶月 一

女冠一人詩一首

李冶 一

閨秀八人詩十一首

張夫人 二 杜羔妻 一 郎大家 一

鮑君徽 一 程長文 一 張英 一

劉雲 二 劉瑾 一

右二十七人共詩四十二首皆諸集附載或
姓氏世次疑誤弗可考者皆錄之為旁流

歌行長篇附

駱賓王 一 元稹 一 白居易 一

歌行長篇唐初獨駱賓王有帝京篇疇昔篇
文極富麗至盛唐絕少李杜間有數首其詞
亦不甚敷蕩大率與常製相類已混收從彙
不復摘去迨元和後元稹白居易始相尚此
製世號元白體其詞欲瞻欲達去離務近明
露肝膽樂天每有所作令老嫗能解則錄之

故格調局而不高然道情叙事悲歡窮泰如
寫出人膾臆中語亦古歌謠之遺意也豈涉
獵淺才者所能到耶姑略賂賓王一首元白
各一首附於此集之後以備一體為學者之
助云

七言古詩叙目

畢

七言古詩卷之一

唐詩品彙二十五

明新寧高棟編集陽生斗校刻

正始

王宏

從軍行

兕生三日掌上珠燕頤猿肱穠李膚十五學劍北擊
胡羌歌燕筑送城隅城隈路接伊川驛河陽渡頭邯
鄲陌可憐年少把手時黃鳥雙飛梨花白秦王築城
三千里西自臨洮東遼水山邊疊疊黑雲飛海畔莓
莓青草死從來戰陣不求勲殺身為君君不聞鳳凰

樓上吹急管，落日徘徊腸先斷。

王勃

秋夜長

秋夜長，殊未央。月明白露澄清光，層城綺閣遙相望。
川無梁，北風受節南鴈翔。崇蘭委質時菊芳，鳴環曳
履出長廊。為君秋夜擣衣裳，織羅對鳳凰。丹綺雙鴛
鴦，調砧亂杵思自傷。征天萬里戍他鄉，鶴閔音信斷。
龍門道路長，君在天一方。寒衣徒自香。

採蓮曲

一作採蓮歸

採蓮歸，綠水芙蓉衣。秋風起，浪是鴈飛。桂棹蘭橈下

長浦，羅裙玉腕輕搖櫂。葉嶼花潭極望平，江謳越吹
相思苦。相思苦，佳期不可駐。塞外征夫猶未還，江南
採蓮今已暮。今已暮，採蓮花。渠今眇必盡娼家官道
城南把桑葉，何如江上採蓮花。蓮花復蓮花，花葉何
稠疊。葉翠本羞眉，花紅強如頰。佳人不在茲，悵望別
離時。牽花憐共蒂，折藕愛連絲。故情無處所，新物從
華滋。不惜西津交佩解，還羞北海鴈書遲。采蓮歌有
節，采蓮夜未歇。正逢浩蕩江上風，又值徘徊江上月。
徘徊蓮浦夜相逢，吳姬越女何丰茸。共問寒江千里
外，征客關山路幾重。

臨高臺

臨高臺臨高臺迢迢絕浮埃
瑶軒綺構何崔嵬
鳳吹清且哀俯瞰長安道
萋萋御溝草斜對甘泉路
蒼蒼茂陵樹高臺四望同
佳氣鬱葱葱紫閣丹樓紛
照耀壁房錦殿相玲瓏
東迷長樂觀西指未央宮
赤城映朝日綠樹搖春風
旗亭百隊開新市甲第千甍
分戚里朱輪翠蓋不勝春
豐榭層楹相對起復有青
樓大道中繡戶文牕雕綺
櫳錦衣畫不褻羅帷夕未
空歌屏朝揜翠粧鏡晚窺
紅為君安寶髻娥眉罷花
藜俠路塵間黯將暮雲間
月色明如素鴛鴦池上兩

兩飛鳳凰樓下雙雙度
物色正如此佳期那不顧
銀鞍繡轂盛繁華可憐今夜
宿娼家娼家少婦不須顰
東園桃李片時春君看舊日
高臺處栢梁銅雀生黃塵

滕王閣

滕王高閣臨江渚
珮玉鳴鑾金罷歌舞
畫棟朝飛南浦雲
朱簾暮捲西山雨
閑雲潭影日悠悠
物換星移度幾秋
閣中帝子今何在
檻外長江空自流

廬山照隣

長安古意

長安大道連狹斜，青牛白馬七香車。玉輦縱橫過主第，金鞍絡繹向侯家。龍銜寶蓋承朝日，鳳吐流蘇帶晚霞。百丈遊絲爭遶樹，一群嬌鳥共啼花。啼花戲蝶千門側，碧樹銀臺萬種色。復道交牕作合歡，雙闕連甍垂鳳翼。梁家畫閣天中起，漢帝金臺雲外直。樓前相望不相知，陌上相逢詎相識。借問吹簫向紫烟，曾經學舞度芳年。得成比目何辭死，願作鴛鴦不羨仙。比目鴛鴦真可羨，雙去雙來君不見。生憎帳額繡孤鸞，好取開簾帖雙燕。雙燕雙飛繞畫梁，羅幃翠被鬱金香。片片行雲着蟬鬢，織織初月上鴉黃。鴉黃粉白

市中出，含嬌含態情非一。妖童寶馬鐵連錢，娼婦龍金屈膝御史府。中烏夜啼，廷尉門前雀欲栖。隱隱朱城臨玉道，遥遥翠幃沒金堤。挾彈飛鷹杜陵北，探丸借客渭橋西。俱邀俠客芙蓉劍，共宿娼家桃李蹊。娼家日暮紫羅裙，清歌一轉口氤氳。北堂夜夜人如月，南陌朝朝騎似雲。南陌北堂連北里，三劇三條控三市。弱柳青槐拂地垂，佳氣紅塵暗天起。漢代金吾千騎來，翡翠屠蘇鸚鵡杯。羅襦寶帶為君解，燕歌趙舞為君開。別有豪華稱將相，轉日回天不相讓。意氣由來排灌夫，專權判不容蕭相。專權意氣本英雄，青

虬紫燕坐生風自言歌舞長千載自謂驕奢凌五公
節物風光不相待桑田碧海須臾改昔時金階白玉
堂即今惟見青松在寂寂寥寥揚子居年年歲歲一
床書獨有南山桂花發飛來飛去襲人裾

駱賓王

行路難同幸常伯軍中作

君不見玉關塵色暗邊庭銅鞮雜虜寇長城天子按
劍徵餘勇將軍受服事橫行七德龍韜開玉帳千里
鼉鼓動金鉦一作千里鼉鼓陰山苦霧埋高壘交河孤
月照連營連營去去無窮極擁旆遙遙過絕國陣雲

朝結晦天山寒沙夕漲迷踈勒龍鱗水上開魚貫馬
首山前振雕翼長驅萬里讐祁連分麾三命武功宣
白發烏號遙碎柳七尺龍文迴照蓮春來秋去移灰
瑣蘭閨柳市芳塵斷鴈門迢迓尺書稀鴛鴦被相思雙
帶緩行路難誓令氛侵靜臯蘭但使封侯龍額貴詎
隨中婦鳳樓寒

劉庭芝

公子行

天津橋下陽春水天津橋上繁華子馬聲迴合青雲
外人影搖動綠波裏綠波清迴玉為砂青雲離披錦

作霞可憐楊柳傷心樹可憐桃李斷腸花此日遨遊
邀美女此時歌舞入娼家娼家美女鬪金香飛去飛
來公子傍的的朱簾白日映娥娥玉顏紅粉妝花際
徘徊雙蛺蝶池邊顧步兩鴛鴦傾國傾城漢武帝為
雲為雨楚襄王古來容光人所羨况復今日遙相見
願作輕羅着細腰願為明鏡分嬌面與君相向轉相
親與君雙栖共一身願作貞松千歲古誰論芳槿一
朝新百年同謝西山日千秋萬古北邙塵

代悲白頭翁

一作宋
之問詩

洛陽城東桃李花飛來飛去落誰家洛陽女兒惜顏

色行逢落花長嘆息今年花落顏色改明年花開復
誰在已見松柏摧為薪更聞桑田變成海古人無復
洛城東今人還對落花風年年歲歲花相似歲歲年
年人不同寄言全盛紅顏子應憐半死白頭翁此翁
白頭真可憐伊昔紅顏美少年公子王孫芳樹下清
歌妙舞落花前光祿池臺開錦繡將軍樓閣畫神仙
一朝卧病無相識三春行樂在誰邊宛轉蛾眉能幾
時須臾鶴髮亂如絲但看古來歌舞地惟有黃昏鳥
雀悲

喬知之

綠珠篇

石家金谷重新聲明珠十斛買娉婷此日可憐君自
許此時可喜得人情君家閨閣未曾難常將歌舞借
人看意氣雄豪非分理嬌矜勢力橫相干辭君去去
終未忍徒勞掩袂傷鉛粉百年離別在高樓一代紅
顏為君盡

知之有美妾日碧玉武承嗣奪之喬作此
篇以寄之碧王起并死承嗣得詩於裙帶
大怒諷酷吏
羅告族誅之

古意和李侍郎

妾家巫山隔漢川君度南庭向胡窀高樓迢遞想金
天河漢昭回更悽然夜如何其夜未央閑花照月愁

洞房自矜夫婿勝王昌三十曾作侍中郎一從流落
戍漁陽懷哉萬恨結中腸南山累累兔絲花北陵青
青女羅樹由來花葉同一根今日枝條分兩處三星
差池光照灼北斗西指秋雲薄莖枯綠謝葉憔悴香
消花盡色零落美人長嘆絕容姿含情收取摧折枝
調絲獨彈聲未移感君行坐星歲遲閨中宛轉今若
斯誰能為報征人知

陳子昂

春臺引

事集畢

感陽春兮生碧草春一之油油懷宇宙以傷遠登高

採

臺而寫憂遲美人兮不見恐青歲之遂集作還道從畢
公以酣飲寄林塘而一留來芳蒸於北渚憶桂樹於
南洲何雲木之美麗而池館之岸幽星臺秀士月旦
諸子嘉一作喜青鳥之辰迎火龍之始挾寶書與瑤瑟
芳蕙華而蘭靡乃掩白蘋藉綠芷酒既醉樂未已擊
青鍾歌祿水然青春之萎絕贈瑤華之旖旎願一見
而道集作導意結衆芳之綢繆曷余情之蕩漾集作獨
青雲以增愁悵三山之飛鶴憶海上之白鷗且曰群
仙去兮青春頽歲華歇兮黃鳥哀富貴榮樂幾時兮
朱宮碧堂生青苔白雲兮歸來

曠

王適

古別離

昔歲驚楊柳高樓悲獨守今年芳樹枝孤棲怨別離
珠簾晝不捲羅幔曉長垂苦調琴先覺愁容鏡獨知
頻年鴈去一作頻無消息罷却鴛紋一作罷何用織
夜還羅帳空有情春着裙腰自無力青軒桃李落紛
紛紫庭蘭蕙日一作香氛氲一作憔悴今如此更復含
情一待君

李嶠

擬古東飛百勞西飛鷺

傳書青鳥迎簫鳳，巫嶺荆臺數通夢。誰家窈窕住園樓，五馬千金照陌頭。羅裙玉珮當軒出，點翠施紅競春日。佳人二八盛舞歌，羞將百里呈雙蛾。庭前芳樹朝夕改，空駐妍華欲誰待。

汾陰行

君不見昔日西京全盛時，汾陰后土親祭祠。齋宮宿寢設厨供，撞鍾鳴鼓樹羽旂。漢家四葉才且雄，賓筵萬靈服九戎。栢梁賦詩高宴罷，詔書法駕幸河東。河東太守親掃除，奉迎至尊導銜輿。五營將校列容衛，三河縱觀空里閭。田旌駐蹕降靈場，焚香奠醑邀百

祥。金鼎發食正焜煌，靈祇煒燁擄景光。埋玉陳牲禮神畢，舉麾上馬乘輿出。彼汾之曲嘉可遊，杏蘭為楫桂為舟。棹歌微吟綵鷁浮，簫鼓哀鳴白雲秋。歡娛宴洽賜群后，家家復除戶。牛酒聲名動天樂，無有千秋萬歲南山壽。自從天子向秦關，玉輦金輿不復還。珠簾羽帳長寂寞，鼎湖龍髯安可攀。千齡人事一朝空，四海為家此路窮。雄豪意氣今何在，壇場宮館盡蒿蓬。路逢故老長嘆息，世事回還不可測。昔時青樓對歌舞，今日黃埃聚荆棘。山川滿目淚沾衣，富貴榮華能幾時。不見只今汾水上，唯有年年秋鴈飛。

明皇傳信記云

唐詩二十五卷
上將幸蜀登華萼樓使樓前善水調者登而歌曰
山川蒲目淚沾衣富貴榮華能幾時不見只今汾
流上唯有年年鴻鴈飛上顧待者曰誰為之曰宰
相李嶠辭也上曰真才子也不待曲終而去

沈佺期

古歌

落葉流風向玉臺夜寒秋思洞房開水晶簾外金波
下雲母牕前銀漢回玉階陰陰苔鮮色君王履綦難
再得璇闥窈窕秋夜長繡戶徘徊秋月光燕姬綵帳
芙蓉色秦女金鑪蘭麝香北斗七星橫夜半清歌一
曲斷君腸

古意

又作鳳
管曲

八月涼風動高閣千金麗人捲綃幕已憐池上歌芳
菲不念君恩坐搖落世上榮華如轉蓬朝隨阡陌暮
雲中飛燕侍寢昭陽殿班姬飲恨長信宮長信宮昭
陽殿春來歌舞妾自知秋至容華君不見昔時羸女
厭世氛學吹鳳簫乘綵雲含情轉盼向簫史千載紅
顏特贈君

入少密溪

雲峰苔壁遶溪斜江路香風夾岸花樹密不言通鳥
道鷄鳴始覺有人家人家更在深巖口澗水週流宅
前後遊魚瞥瞥雙釣童伐木丁丁赤樵叟自言避喧

非避秦。薜衣耕鑿。帝堯人相留。且待鷄黍熟。夕卧深
山蘿。月春。

徐玄之

採蓮

越艷荆姝慣採蓮。蘭橈畫檝滿長川。秋來江水澄如
練。映水紅粧如可見。此時蓮浦珠翠光。此日荷風羅
綺香。纖手周遊不暫息。紅英爛熳殊未極。夕鳥棲林
人欲稀。長歌哀怨採蓮歸。

宋之問

下山歌

王無競和云日云暮兮下嵩山山路連綿兮對石間山谷口兮見明

月心徘徊兮不能還

下嵩山兮多所思。携佳人兮步遲遲。松間明月長如
此。君再遊兮復何時。

軍中人日登高贈房明府

幽郊昨夜陰風斷。頓覺朝來陽吹暖。涇水橋南柳欲
黃。杜陵城北花應滿。長安昨晚寄寒衣。短翮登茲一
望歸。聞道凱旋乘騎入。看君走馬見芳菲。

寒食陸渾別業

洛陽城裏花如雪。陸渾山中今始發。旦別河橋楊柳
風。夕卧伊川桃李月。伊川桃李正芳新。寒食山中酒

復春野老不知堯舜九酣歌一曲太平人

寒食江州蒲塘驛

去年上巳洛橋邊今年寒食廬山曲遙憐鞏樹花應
蒲復見吳洲草新綠吳洲春草蘭杜芳感物思歸懷
故鄉驛騎明朝發何處猿聲今夜斷君腸

至端州驛見杜五審言沈三佳期間五朝

隱王二無競題壁慨然成咏

逐臣北地承嚴譴調到南中每相見豈意南中岐路
多千山萬水分鄉縣雲搖雨散各翻飛海濶天長音
信稀處處山川同瘴癘自憐能得幾人歸

明河篇

唐書云武后朝之間求為北門李士不許乃作此篇以見意后見之謂崔融曰非不知之問有奇才但恨有口過耳注口過謂口臭矣

八月涼風天氣清萬里無雲河漢明昏見南樓清且
淺曉落西山縱復橫洛陽城闕天中起長河夜夜千
門裏複道連臺共蔽虧畫堂瓊戶特相宜雲母帳前
初泛濫水晶簾外轉逶迤倬彼昭回如練白復出東
城接南陌南陌征人去不歸誰家今夜搏寒衣鴛鴦
機上踈螢度烏鵲橋邊一鴈飛鴈飛螢度愁難歇坐
見明河漸微沒已能舒卷任浮雲不惜光輝讓流月
明河可望不可親願得乘槎一問津更將織女支機

石還訪城都嘗卜人

龍門應制

武后遊龍門命羣臣賦詩先成者賞以錦袍東方蛇詩成詔賜坐未安宋之詩後成文理兼美左右無不稱善乃就奪錦袍衣之

宿雨霽氛埃流雲度城闕河堤柳新翠苑對花先發
洛陽花柳此時濃山水樓臺映幾重群公拂霧朝翔
鳳天子乘春幸鑿龍鑿龍近出王城外羽從淋漓擁
軒蓋雲蹕繞臨御水橋天衣已入香山會山壁嶄巖
斷復連清流澄澈俯伊川塔影遙遙綠波上星龕弈
弈翠微邊層巒舊長干尋木遠壑初飛萬丈泉綵仗
紅旌遶香閣下輦登高望河洛東城宮闕擬昭回南

陌溝塋珠綺錯林下天香七寶臺山中有酒萬年杯
微風一起祥花落仙樂初鳴瑞鳥來鳥來花落紛無
已稱觴獻壽香霞裏歌舞淹留景欲斜石間猶駐五
雲車鳥旗翼翼留芳草龍騎駸駸映晚花千乘萬騎
鸞輿出水靜山空嚴警蹕郊外喧喧引看人傾都南
望屬車塵囂聲引颺蒼黃道王氣周回入紫宸先王
定鼎山河固寶谷乘周萬物新吾君不事瑤池樂時
雨來觀農扈春

郭振

古劍篇

唐史本傳云振少有大志為通泉尉任俠使氣嘗盜鑄及掠賣部中

口武后召欲詰既與語奇之索其文章振上寶劍篇后覽嘉嘆遂得擢用

君不見昆吾鐵冶飛炎烟紅光紫氣俱赫然良工鍛鍊凡幾年鑄得寶劍名龍泉龍泉顏色如霜雪良工咨嗟嘆奇絕琉璃玉匣吐蓮花錯鏤金鏤生明月正逢天下無風塵幸得周防君子身精光黯黯青蛇色文章片片綠龜鱗非直結交遊俠子亦曾親近英雄人何言中路遭弃捐零落飄淪古獄邊雖復沉埋無所用猶能夜夜氣衝天

杜子美八哀云高詠寶劍篇神交付冥漠

盧僊

十月梅花

君不見巴鄉春候中華別年年十月梅花發上苑今應雪作花寧知此地花為雪自從遷播落黔巴三月見江上開新花故園風光虛洛汭窮峽疑雲度歲華花情縱似河陽好客心倍傷邊候早春候颯驚樓上梅霜威未落江潭草江水侵天去不還樓花覆簾空坐攀一向花前看白髮幾迴夢裏憶紅顏紅顏白髮雲泥改何異桑田移碧海却想華年故國時唯餘一片空心在空心吊影向誰陳雲臺仙閣舊遊人倘知巴剗連冬發應憐南國氣長春

張說

鄴都引

君不見魏武草創爭天祿，群雄睚眦相馳逐。書攜壯士破堅陣，夜接詞人賦華屋。都邑繚繞西山陽，桑榆漫漫漳河曲。城郭為墟，人代改，但見西園明月在鄴。傍高塚，多貴臣，蛾眉曼睩共灰塵。試上銅臺歌舞處，唯有秋風愁殺人。

徐彥伯

芳薈

玉花玳簾上金縷一作畫屏開曉月，憐箏柱春風憶鏡臺。華柱春風吹曉月，芳薈落花朝。瞑歇藁砧刀頭

未有時攀條拭淚坐相思

吳少微

怨歌行

城南有怨婦，含情傍芳叢。自謂二八時，歌舞入漢宮。皇恩數流眄，承幸玉堂中。祿栢黃花催夜酒，錦衣羅袂逐春風。建章西宮煥若神，燕趙美女二千人。君王厭德不忘新，况群艷冶紛來陳。是時別君不再見，三十三春長信殿。長信重門晝掩關，清房曉帳幽且閑。綺窓蟲網氛塵色，文軒鶯樹桃李顏。天王貴宮不貯老，浩然含淚今來還。自怜轉晚暮，試逐佳遊芳草路。

小腰麗女奪人奇，金鞍少年曾不顧。
歸來誰為夫，請謝西家婦。莫辭先醉解羅襦。

古意

洛陽芳草向春開，洛陽女兒平旦來。流車走馬紛紛相
催，
向曲臺曲臺自有千萬行。重花累葉間
垂楊，北林朝日錦明光。南國微風蘇合香，可憐窈窕
女，不作邯鄲倡。妙舞輕迴拂長袖，高歌浩唱發清商。
歌終舞罷歡無極，樂往悲來長嘆息。陽春白日不少
留，紅花碧對無顏色。碧樹風花先春度，珠簾粉澤無
人顧。如何年少忽遲暮，坐見明月與白露。明月白

夜已寒，香衣錦帶空珊珊。今日陽春一妙曲，鳳凰樓
上與君彈。

劉廷琦

瑞雪篇

紫宸飛雪曉徘徊，層閣重門雪照開。九衢晶耀浮埃
盡，千品差池贄帛來。何處田中非種玉，誰家院裏不
生梅。埋雲翳景無窮已，因風落地吹還起。先過翡翠
寶房中，轉入鴛鴦金殿裏。美人含笑出，聯翩艷逸輕
相鬪。容止羅衣點着渾，是花玉手搏來半成水。奕奕
紛紛何所如，頓憶陽園二月初。羞同班妾高秋扇，欲

照明王一夜書姑射山中符聖壽芙蓉闕下降仙車
願隨睿澤流無限長報豐年貴有餘

李如璧

明月

三五月華流烟光可憐懷歸郢路長逾江越漢津無
梁遙遙永夜思茫茫昭君失寵辭上官蛾眉蟬娟卧
氈穹胡人琵琶彈北風漢家音信絕南鴻昭君此時
怨盡工可憐明月光腫臃節既秋兮天向寒沅有荷
兮湘有瀾沅湘糾合秋漫漫洛陽才子憶長安可憐
明月復團團逐臣戀主心愈恪弃妾志君情不薄已
悲芳歲徒淪洛復恐紅顏坐銷鑠可憐明月方照灼
向影傾身比葵藿

李昂

從軍行

漢家未得燕支山征戌年年沙朔間塞下長驅汗血
馬雲中恒閉玉門關陰山瀚海千萬里此日桑河凍
流水稽洛山邊雲騎來漁陽戍裏烽烟起長途羽檄
何相望天子按劍思北方羽林練士拭金甲將軍校
戰出玉堂幽陵異盛風烟改亭障連連古今在夜聳
鴻鴈南渡河曉望旌旗北臨海塞沙飛浙瀝遙裔連

窮磧玄漠雲平初合陣西山月出聞鳴鑼城南百戰
多苦辛路傍死卧黃沙人戎衣不脫隨霜雪汗馬趁
趨長被鐵楊葉樓中不寄書蓮花劍上空流血匈奴
未滅不言家驅逐行行邊徼歸心海外見明月別
思天邊夢落花天是迴望何悠悠芳剗無渡隴頭
春雲不變陽關雪桑葉先知吳地秋田疇不賣盧龍
策竇憲思勒燕然石縻兵靜比垂此日交河湄欲令
塞上無干戚會待單于繫頸時

湖浩

大漢行

單于犯薊塹虜騎略蕭邊南山木葉飛下地北海蓬
根亂上天科斗連營太原道魚麗合陣武威川三軍
遙倚伏萬里相馳逐旌旆悠悠靜瀚源鞞鼓喧喧動
盧谷窮微出幽陵吁嗟倦寢興馬蹄凍溜石胡毳暖
生冰雲沙泱漭天光閉河塞陰沉海色疑崆峒此國
誰能託蕭索邊心常不樂近見行人畏白龍遙聞公
主愁黃鶴陽春半岐路間瑤臺苑玉門關百花芳樹
紅將歇二月蘭皋綠未還陣雲不散魚龍水雨雪猶
飛鴻鵠山嶂綿連那可極路遠辛勤夢顏色北堂
萱草不寄來東園桃李長相憶漢將紛紛攻戰盈胡

寇蕭條幽朔。韓昌拜節偏知送。鄭吉驅旌坐見迎。
火絕烟沉在西極。谷靜山空自北平。但得將軍能百
勝。不須天子築長城。

賀朝清

從軍行

朔胡乘月寇邊城。軍書插羽刺。賜一作中京。天子金壇
拜飛將。單于玉塞振佳兵。騎射先鳴推任俠。龍韜決
勝佇時英。聞有河。客悵悵理帷帶。常山啓伯圖。汜
水先天策。銜珠浴鐵向桑乾。豐旗膏劍指烏丸。鳴雞
已報關山曉。來鴈遙傳沙塞寒。直為甘心從苦節。隴

頭流水鳴咽。邊對蕭蕭不覺春。天山漠漠長飛雪。
魚麗陣接雲塞平。鴈翼營通海月明。始看晉幕飛鵝
入。旋聞齊壘啼鳥一作聲。自從一戍燕支山。春光幾
度晉陽關。金河未轉青絲騎。玉筋應啼紅粉顏。鴻歸
燕相續。池邊芳草綠。已見氛清細柳營。莫更春歌落
梅曲。烽沉竈減靜邊亭。海晏山空肅已寧。行望鳳京
旋凱捷。重來麟閣畫丹青。

萬齊融

伏劍行

昨夜星宮動紫微。今年天子用武威。登車一呼風雷

動遙震陰山撼巍巍胡驕子當見旄頭蝕應死願騎
單馬伏天威按取長繩縛虜歸伏劍遙叱路傍子
奴頭血濺君衣

王翰

春女歌

郭茂倩集樂府作春女行

紫臺穹跨連綠波紅軒鈴匣垂織羅中有一人金作
面隔幌玲瓏遙可見忽聞黃鳥鳴且悲鏡邊含咲看
春衣羅袖嬋娟似無力行拾落花比容色落花一度
無再春人生作樂須及辰君不見楚王臺上紅顏子
今日皆成孤兔塵

飲馬長城窟行

一作古長城吟

長安少年無遠圖一生惟羨執金吾麒麟殿前拜天
子走馬為君西擊胡胡沙獵獵吹人面漢虜相逢不
相見遙聞鍾鼓動地來傳道單于夜猶戰此時顧恩
寧顧身為君一行摧萬人壯士揮戈迴白日單于濺
血污朱輪歸來飲馬長城窟長城道傍多白骨問之
耆老何代人云是秦王築城卒黃昏塞北無人烟鬼
哭啾啾聲沸天無罪見誅功不賞孤魂流落此城邊
當昔秦王按劍起諸侯膝行不敢視富國強兵二十
年築怨聲究九千里秦王築城何太愚天實亡秦非

北胡一朝禍起蕭牆內渭水咸陽不復都

孫逖

山陰縣西樓

都邑西樓芳樹間。逶迤霽色遶江山。山月夜從公署出。江雲晚對訟庭還。誰知春色朝朝好。二月飛花滿江草。一見湖邊楊柳風。遙憶青青洛陽道。

玄宗皇帝

初入秦川路寒食

洛陽芳樹映天津。灞岸垂楊宰地新。直為經過行樂處。不知虛度兩京春。去年餘閨今春旦。曙色和風看

花草。可憐寒食與清明。光輝併在長安道。自從關路入秦川。爭到何人不戲鞭。公子途中妨踟躕。佳人馬上廢鞦韆。渭水長橋今欲度。忽忽漸見新豐樹。遠看驪岫入雲霄。預想湯池起烟霧。霧氣氤氳小殿開。暫拂香泉歸去來。今歲清明行已晚。明年寒食更相陪。

春臺望

暇景屬三春。高臺聊四望。目極千里際。山川一何壯。太華見重巖。終南分疊嶂。郊源紛綺錯。參差多異狀。佳氣蒲通郊。遲步入綺樓。初鶯一一鳴。紅剗歸鴈遲。遲去綠洲。太液池中下黃鶴。昆明水上映牽牛。聞道

漢家全盛時，別館離宮趣非一。甘泉迢迓亘明光，五柞連延接未央。周廬微道縱橫轉，飛閣迴軒左右長。須念作勞居者逸，勿言身後焉能恤。為想雄豪壯栢梁，何如儉陋卑茅室。陽烏黯黯向山沉，夕鳥喧喧入上林。薄暮賞餘回步輦，還念中人罷百金。

賀知章

奉賀御製

青陽布王道，玄覽陶真性。欣若天下春，高逾域中聖。神臯類觀賞，帝里如懸鏡。繚繞九川浮，岩峩雙開映。曉色徧昭陽，晴雲卷建章。華滋的鑠丹，青剡顯氣氤。

氤金玉堂，尚有靈蛇下。廊時還徵瑞寶，入陳倉。自昔秦奢漢窮武，後庭萬餘宮。百數旗回五丈殿，千門連綿南。陞出西垣廣，螭蟻窈窕羅生玳瑁象。崑崙迺睠天晴興，隱恤古來土木良。非一刊趙叢臺何如堯階，將禹室層欄。竚窳下龍輿，清管逶迤半綺踈。一聽南風引鸞舞，長謠北極仰鷄居。

許景先

奉和御製

睿德在青陽，高居視中縣。秦城連鳳闕，漢寢疏龍殿。文物照光輝，郊畿鬱葱蒨。千門望成錦，八水明如練。

復道曉光披宸遊出禁移瑞氣朝浮五雲閣祥光夜
吐萬年枝蘭葉負龜初薦祉桐花集鳳更來儀秦漢
生人周力役阿旁甘泉構雲碧汾祠維時望通天王
堂宣室坐長年鼓鍾西接咸陽觀苑囿南通鄠杜田
明主卑宮戒前失輔德欽賢政惟一昆蟲不夭在春
蒐稼穡常難重農術邦家已荷聖謨新猶聞儉陋惜
中人預奉北辰七長歌東武千春

七言古詩卷之一

唐詩品彙二十五

七言古詩卷之二

唐詩品彙二十六

明憲高棟編集出楊生校刻

正宗一

李白上

樂府二十首

烏夜啼

黃雲城邊烏欲棲歸飛啞啞枝上啼機中織錦秦川
女碧紗如烟隔認語停梭悵然憶遠人獨宿空房淚
如雨劉涓溪云語有深於此者然情之所至皆不如
此則亦不必深也凡言樂府者未足以知此

烏棲曲

姑蘇臺上烏棲時，吳王宮裏醉西施。吳歌楚舞歡未
畢，青山欲啣半邊日。銀箭金壺漏水多，起看秋月墜
江波。東方漸高柰樂何。賀知章云：此詩可以泣鬼神。蕭士斌云：此樂府深得國風刺詩之體。范德機云：漢魏詩多不可點，所以為好者，蓋其氣象自不可同耳。李詩好處亦難點點之，則全篇有所不可擇焉。若此篇與烏夜啼，可為精金粹玉矣。

楊叛兒

君歌楊叛兒，妾勸新豐酒。何許最關情，烏啼白門柳。
烏啼隱楊花，君醉留妾家。博山爐中沉香火，雙烟一
氣凌紫霞。

白紵辭

月寒江清夜，沉沉美人一。笑千黃金，垂羅舞縠揚。
音郢中白雪，且莫吟子夜。吾歌動君心，動君心冀君
賞。願作天池雙鴛鴦，一朝飛去青雲上。

採蓮曲

若耶溪傍採蓮女，笑隔荷花共人語。日照新粧水底
明，風飄香袂空中舉。岸上誰家遊冶郎，三三五五映
垂楊。紫騮嘶入落花去，見此踟躕空斷腸。劉云：淺語盡情。

王昭君

漢家秦地月，流影照明妃。一上玉關道，天涯去不歸。
漢月還從東海出，明妃西嫁無來日。燕支長寒雪作

花蛾眉憔悴沒胡沙生乏黃金枉圖畫死犯青塚使人嗟

長相思 二首

長相思在長安絳緯秋啼金井闌微霜淒淒簾色寒孤燈不眠思欲絕卷帷望月空長嘆美人如花隔雲端上有青冥之長天下有綠水之波瀾天長路遠魂飛苦夢魂不到關山難長相思摧心肝

日色欲盡花含烟月明欲素愁不眠趙瑟初停鳳凰柱蜀琴欲奏鴛鴦絃此曲有意無人傳願隨春風寄燕然憶君迢迢隔青天昔時橫波目今作流淚泉不

信妾腸斷歸來看取明鏡前

蕭云詞意悲而不傷然而不諂

飛龍引

黃帝鑄鼎於荆山鍊丹砂丹砂成黃金騎龍飛上大清家雲愁海思令人嗟宮中綵女顏如花飄然揮手凌紫霞從風縱體登鸞車登鸞車侍軒轅遨遊青天中其樂不可言

行路難

金樽清酒斗十千玉盤珍羞直萬錢停盃投筋不能食拔劍四顧心茫然欲度黃河水塞川將登太行雪滿山閑來垂釣碧溪上忽復乘舟夢日邊行路難行

路難多岐路今安在長風破浪會有時直挂雲帆濟

滄海

劉云結得不至尾甚善甚善

登高丘而望遠海

登高丘望遠海六鰲骨已霜三山流安在扶桑半摧折白日沉光彩銀臺金闕如夢中秦王漢武空相待精衛費木石鼃鼃無所憑君不見驪山茂陵盡灰滅牧羊之子來攀登盜賊劫寶玉精靈竟何能窮兵黷武今如此鼎湖飛龍安可乘

行行且遊獵篇

邊城兒生年不讀一字書但將遊獵跨輕趨胡馬秋

肥宜白草騎來躡影何輕騎金鞭拂雪揮鳴鞘半醉呼鷹出遠郊弓彎滿月不虛發雙鷁迸落連飛鶩海邊觀者皆辟易猛氣英風振沙磧儒生不及遊俠人白首下帷復何益

山人勸酒

蒼蒼雲松落落綺皓春風爾來為阿誰蝴蝶忽然滿芳草秀眉霜雪顏桃花骨清髓綠長美如稱是秦時避世人勸酒相歡不知老各守麋鹿志耻隨龍虎爭歛起佐天子漢皇乃復驚願謂戚夫人彼翁羽翼成歸來商山下泛若雲無情舉觴酌巢由洗耳何獨清

浩歌望高嶽意氣還相傾

公無渡河

黃河西來決崑崙咆哮萬里觸龍門波滔天堯咨嗟
大禹理百川兕啼不窺家殺湍湮洪水九州始蚕麻
其害乃去茫然風沙被髮之叟狂而癡清晨臨流欲
奚為旁人不惜妻止之公無渡河苦渡之虎可搏河
難憑公果溺死沅海濱有長鯨白齒若雪山公平公
乎挂骨於其間篲篲所悲竟不還

獨漉篇

獨漉水中泥水濁不見月不見月尚可水深行人沒

越鳥從南來胡鷹亦北渡我欲彎弓向天射惜其中
道失歸路落葉別封飄零隨風客無所托悲與此同
羅幃舒卷似有人開明月直入無心可猜桑城遺言云不可及
雄劍掛壁時時龍鳴不斷犀象繡泣苔生國耻未雪
何由成名神鷹夢澤不願鴟為君一擊鵬搏九天

春日行

深宮高樓入紫清金作蛟龍盤繡楹佳人當牕弄白
日絃將手語彈鳴箏春風吹落君王耳此曲乃是昇
天行因出天池泛蓬瀛樓臺蹙水波浪驚三千雙娥
獻歌咲搃鍾考鼓宮殿傾萬姓聚舞歌太平我無為

人不自寧三十六帝欲相迎、僊人飄翩下雲輶、帝
不去留鑄京安能為軒轅、獨往入窅窅、小臣拜獻南
山壽、陛下萬古垂鴻名、

北風行

燭龍棲寒門、光耀猶旦開、日月照之何不及、此惟有
北風號怒天上來、燕山雪花大如席、片片吹落軒轅
臺、幽州思婦十二月、停歌罷笑雙蛾摧、倚門望行人、
念君長城苦寒良、可哀別時提劍救邊去、遺此虎紋
金鞞鞞、中有二雙白羽箭、蜘蛛結網生塵埃、箭空在
人今戰死不復迴、不忍見此物焚之已成灰、黃河捧

土尚可塞、北風雨雪恨難裁、

遠別離

遠別離、古有皇英之二女、乃在洞庭之南、瀟湘之浦、
海水直下萬里深、誰人不念此離苦、日慘慘兮雲冥
冥、猩猩啼烟兮鬼嘯雨、我縱言之將何補、皇穹竊恐
不照余之忠誠、雲憑憑兮欲吼怒、堯舜當之亦禪禹、
君失臣兮龍為魚、權歸臣兮鼠變虎、或言堯幽囚舜
野死、九疑聯縣皆相似、重瞳孤墳竟何是、帝子泣兮
綠雲間、隨風波兮去無還、慟哭兮遠望、見蒼梧之深
山、蒼桐山崩湘水絕、竹上之淚乃可滅、此太白傷時
君子失位小

人用事以致喪亂身在江湖之上欲往救而不可哀忠諫之無從舒憤疾而作也。劉云參差屈曲幽人鬼語而動盪盪自然無長吉之苦。范云此篇最有楚人風所貴乎楚言者斷如復斷亂如復亂而辭意實覆屈折行乎其間者實未嘗斷而亂也使人一唱三嘆而有遺音至於收淚謳吟又足以興夫三綱五常之重者豈虛也哉茲太白所以為不可及也

白頭吟

錦水東北流波蕩雙鴛鴦雄巢漢宮樹雌弄秦草芳
寧同萬死碎綺翼不忍雲間兩分張此時阿嬌正嬌
妬獨坐長門愁日暮但願君恩顧妾深豈惜黃金買
詞賦相如作賦得黃金丈夫好新多異心一朝將聘
凌陵女文君因贈白頭吟東流不作西歸水落花辭

條羞故林兔絲固有情隨風任傾倒誰使女蘿枝而
來強縈抱兩艸猶一心人心不如草莫卷龍鬚席從
他生網絲且留琥珀枕或有夢來時覆水再收豈滿
杯棄妾已去難重回古來得意不相負祗今惟見青
陵臺

將進酒

君不見黃河之水天上來奔流到海不復回又不見
高堂明鏡悲白髮朝如青絲暮如雪人生得意須盡
歡莫使金樽空對月天生我材必有用千金散盡還
復來烹羊宰牛且為樂會須一飲三百杯岑夫子丹

丘生進酒君莫停與君歌一曲請君為我側耳聽
鍾鼓饌玉不足貴但願長醉不願醒古來聖賢皆寂寞
惟有飲者留其名陳王昔日宴平樂斗酒十千恣歡
譎主人何為言少錢徑須沽取對君酌五花馬千金
裘呼兒將出換美酒與爾同消萬古愁

擣衣篇

閨裏佳人年十餘頻蛾對影恨離居忽逢江上春歸
燕啣得雲中尺素書玉手開絨長嘆息征夫猶戍交
河北萬里交河水北流願為雙燕泛中洲君邊雲擁
青絲騎妾處苦生紅粉樓樓上春風日將歇誰能攬

鏡看愁髮曉吹篳管隨落花夜擣戎衣向明月明月
高高刻漏長珍珠簾箔掩蘭堂橫垂寶幄同心結半
拂瓊筵蘇合香瓊筵寶幄連枝錦燈燭熒熒照孤寢
有便憑將金剪刀為君留下相思枕摘盡庭蘭不見
君紅巾拭淚生氤氳明年若更征邊塞願作陽臺一
段奴作雲

蜀道難

唐書摭言云李白始自西蜀至京

蜀道難一編日子謫仙人也薦之於
玄宗。新唐書謂嚴武在蜀放肆房
官為部內刺史武不為禮最厚杜甫
每欲殺甫李白作蜀道難乃為房與
杜危也。洪駒父詩話云嘗見李集
一本蜀道難題下注云諷章仇蕪瓊

也。蕭云諸說皆非也。此詩乃太白初聞祿山亂華天子幸蜀而作也。

噫吁嚱危乎高哉蜀道之難難於上青天蚕叢及魚
鳧開國何茫然爾來四萬八千歲不與秦塞通人烟
西當太白有鳥道可以橫絕峨眉巔地崩山摧壯士
死然後天梯石棧相勾連土有六龍回日之高標下
有衝波逆折之回川黃鶴之飛尚不能過猿猱欲度
愁攀援青泥何盤盤十步九折縈岩巒捫參歷井仰
脅息以手撫膺坐長嘆問君西遊何時還畏途巉岩
不可攀但見悲鳥號古木雄飛呼雌繞林間又聞子
規啼夜月愁空山蜀道之難難於上青天使人聽此

凋朱顏連峯去天不盈尺枯松倒挂倚絕壁飛湍瀑
流爭喧逐砢崖轉石萬壑雷其險也如此嗟尔遠道
之人胡為乎來哉劍閣崢嶸而崔嵬一夫當關萬夫
莫開所守或匪親化為狼與豺朝避猛虎夕避長蛇
磨牙吮血殺人如麻錦城雖云樂不如早還家蜀道
之難難於上青天側身西望長咨嗟殷璠云李白蜀道難等篇可謂奇而又奇。劉云妙在起伏其才思放肆語次崛奇自不在言

梁甫吟

長嘯梁甫吟何時見陽春君不見朝歌屠叟辭棘津
八十西來釣渭濱寧羞白髮照清水逢時吐氣思經

綸廣張三千六百釣風期暗與文王親大賢虎變愚
不測當年頗似尋常人君不見高陽酒徒起草中長
揖山東隆準公入門不拜騁雄辯兩女輟洗來移風
東下齊城七十二指揮楚漢如旋蓬狂客落魄尚如
此何況壯士當群雄我欲攀龍見明主雷公砰訇震
天鼓帝傍投壺多玉女三時大咲開雷光倏爍晦冥
起風雨閭闔九門不可通以額扣關闔者怒白日不
照吾精誠祀國無事憂天傾楔偷磨牙競人肉騶虞
不折生草莖手接飛猱搏彫虎側耳焦原未言苦知
者可卷愚者豪世人見我輕鴻毛力排南山三壯士

亦相殺之噍二桃吳楚弄兵無劇孟亞夫哈爾為徒
勞梁甫吟鼓正悲張公兩龍劍神物合有時風雲感
會起屠釣六人峴岬當安之

歌吟十六首

白雲歌送劉十六歸山

楚山秦山比日白雲白雲處處長隨君君入楚
山裏雲亦隨君渡湘水湘水上女蘿衣白雲堪臥君
早歸

懷仙歌

一鶴東飛過滄海放心散漫知何在仙人浩歌望我

來應攀玉樹長相待堯舜之事不足驚自餘鬢鬢直
可輕巨鰲背戴三山去我欲蓬萊頂上行

月下吟

金陵城西樓作

金陵夜寂涼風發獨上高樓望吳越白雲映水搖空
城白露垂珠滴秋月月下沉吟久不歸古來相接眼
中稀解道澄江淨如練令人長憶謝玄暉

灞陵行送別

送君灞陵亭灞水流浩浩上有無花之古樹下有傷
心之春草我向秦人問路岐云是王粲南登之古道
古道連綿走西京紫闕落日浮雲生正當今夕斷腸

處黃鸝愁絕不忍聽

江上吟

木蘭之枻沙棠舟玉簫金管坐兩頭美酒樽中置千
斛載妓隨波任去留僊人有待乘黃鶴海客無心隨
白鷗屈平詞賦懸日月楚王臺榭空山丘興酣落筆
搖五嶽詩成笑傲凌滄洲功名富貴若長在漢水亦
應西北流

蕭云此達者之詞也

王壺吟

烈士擊玉壺壯心惜暮年三杯拂劍舞秋月忽然高
味涕泗漣鳳凰初下紫泥詔謁帝稱觴登御筵揄揚

九重萬乘王，謔浪赤墀青瑣賢。朝天數換飛龍馬，敕賜珊瑚白玉鞭。世人不識東方朔，大隱金門是謫仙。西施宜笑復宜頻，醜女效之徒累身。君王雖愛蛾眉好，無奈宮中妬殺人。蕭云此白自述其知遇始末之詞也

侍從宜春苑，奉詔賦龍池。柳色初青聽新

鶯百轉歌

東風已綠瀛洲草，紫殿紅樓覺春好。池南柳色半青，青紫烟鬟娜拂綺城垂。絲百尺挂雕楹，上有好鳥相和鳴。間閔早得春風情，春風卷入碧雲去。千門萬戶皆春聲，是時君王在錦京。五雲垂輝耀紫清，仗出金

宮隨日轉，天回玉輦繞花行。始向蓬萊看舞鶴，還過

遊歌行上新于長安

山谷稍夕振庭柯，涇水浩々揚滌波。哀鴻酸嘶暮愁，急愁雲憶情寒。氣多憶昔去家此，為客荷花初紅柳。條碧中宵出，飲三百杯明朝歸。捐二十石，寧知流寓。變光輝，胡霜蕭蕭颯繞客衣。寒心寂寞憑誰煖，落景飄揚何處歸。吾兄行樂窮曠旭，滿堂有美顏如玉。趙女長教入舞，姬醉舞嬌紅。孤裘

昨

士悲

西嶽雲臺歌送丹丘子

西嶽崢嶸何壯哉，黃河如絲天際來。黃河萬里觸山
 動，盤渦轂轉素地雷。榮光休氣絢五絲，十年一清聖
 人在。巨靈咆哮擘兩山，洪波噴箭射東海。三峰却立
 欲摧翠，崖丹谷高掌開。白帝金精運元氣，石虎運
 元雲化臺。雲臺閣道連窈冥，中有不死丹丘生。明星
 上女滿灑掃，麻姑搔背指爪輕。我皇手把天地大，丹
 丘談天午天語。九重出入生光辉，東來蓬萊復西歸。
 玉漿倘或故人飲，騎二茅龍上天飛。

之大平自羌也
 豪士亦必同時游亂於東吳而與太白
 啣杯酒接般
 勤之歡者

洛陽三月飛胡沙，洛陽城中人怨嗟。天津流水波赤
 血，白骨相撐如亂麻。我亦東奔向吳國，浮雲四塞道
 路賒。東方日出啼早鴉，城門人開掃落花。劉云偶然
 一覽入句
 自梧桐楊柳拂金井，來醉扶風豪士家。扶風豪士天
 下奇，意氣相傾山可移。作人不倚將軍勢，飲酒豈願
 尚書期。雕盤綺食會衆客，吳歌趙舞香風吹。原嘗春
 陵六國時，開心寫意君所知。堂中各有三千士，明日

報恩知是誰劉云雖淺淺切甚撫長劍揚眉清水

白石何離離脫吾帽向君笑飲君酒為君吟張良未

逐赤松去橋邊黃石知我心

廬山謠寄盧侍御虛舟

我本楚狂人劉云為鳳謠喚孔丘手持綠玉杖朝別

黃鶴樓五嶽尋仙不辭遠一生好入名山遊廬山秀

出南斗傍屏風九疊雲錦張影落明湖青黛光金闕

前開二峯長銀河倒挂三石梁香爐瀑布遙相望迴

崖沓嶂凌蒼蒼翠影紅霞映朝日鳥飛不到吳天長

登高壯觀天地間大江茫茫去不還黃雲萬里動風

色白波九道流雪山好為廬山謠興因廬山發閑窺

石鏡清我心謝公行處蒼苔沒早服還丹無世情棊

心三疊道初成遙見仙人彩雲裏手把芙蓉朝玉京

先期汗漫九垓上願接盧敖遊太清

襄陽歌

落日欲沒岷山西倒着接離花下迷襄陽小兒齊拍

手攔街爭唱白銅鞮歐陽脩云傍人借問笑何事笑

殺山翁醉似泥鷓鴣杓鸚鵡杯百年三萬六千日一

日須傾三百杯遙看漢水鴨頭綠恰似蒲桃初醖醅

此江若變作春酒壘麴便築糟丘臺千金駿馬喚小

妾咲坐雕鞍歌落梅車傍側掛一壺酒鳳笙龍管行
 相催咸陽市上嘆黃犬何如月下傾金壘君不見晉
 朝羊公一片石龜頭剝落生莓苔淚亦不能為之墮
 心亦不能為之哀清風明月不用一錢買玉山自倒
 非人推歐陽脩云然後見其橫放其所舒州杓力士
 鎗李白與爾同死生襄王雲雨今安在江水東流猿
 夜聲

酬殷明佐見贈五雲裘歌

我吟謝眺詩上語朔風颯颯吹飛雨謝眺已沒青山
 空後來繼之有殷公粉圖珎裘五雲色曄如晴天散

彩虹文章彪炳光陸離應是素娥玉女之所為輕如
 松花落金粉濃似苔錦含碧滋遠山積翠橫海島殘
 霞飛丹映江草疑豪採掇花露容幾年功成奪天造
 故人贈我我不違著令山水含清暉頓驚謝康樂詩
 興生我衣襟前林壑歛暝色袖上雲霞收夕霏群仙
 長嘆驚此物千崖萬嶺相縈鬱身騎白鹿行飄飄手
 翳紫芝咲被拂相如不足跨鸛鷖王恭鶴氅安可友
 瑤臺雪花數千點片片吹落春風香為君持此凌蒼
 蒼上朝三十六玉皇下窺夫子不可及矯首相思空
 斷腸

梁園吟

我浮黃雲去京闕挂席欲進波連山天長水濶厭遠
 涉訪古始及平臺間平臺為客憂思多對酒遂作梁
 園歌却憶蓬池阮公詠因吟綠水揚洪波洪波浩蕩
 迷舊國路遠西歸安可得人生達命豈暇愁且飲美
 酒登高樓平頭奴子搖大扇五月不熱疑清秋玉盤
 楊梅為君設吳鹽如花皎白雪持鹽把酒但飲之莫
 學夷齊事高潔昔人豪貴信陵君今人畊種信陵墳
 荒城虛照碧山月古木盡入蒼梧雲梁王宮闕今安
 在牧馬先歸不相待舞影歌聲散綠池空餘汴水流

東海沉吟此事淚滿衣黃金買醉不能歸連呼五白
 行六博分曹賭酒酣馳輝我歌且謠意方遠東山高
 卧時起來欲濟蒼生未應晚

夢遊天姥吟留別

海客談瀛洲烟濤微茫信難求越人語天姥雲霓明
 滅或可覩范云瀛洲難求而不必求天姥可天姥連翻而實未翻故欲因夢而觀之耳
 天何大橫勢拔五嶽掩赤城天台四萬八千丈對此
 欲倒東南傾我欲因之夢吳越一夜飛度鏡湖月湖
 月照我影送我至剡溪謝公宿處今尚在綠水蕩漾
 清猿啼脚著謝公屐身登青雲梯半壁見海日空中

聞天鷄甚顯千巖萬轉路不定迷花倚石忽已暝甚
晦熊咆龍吟殷巖泉慄深林兮驚層巔雲青青兮欲
雨水澹澹兮生烟列缺霹靂丘巒崩摧洞天石扇訇
然中開青冥浩蕩不見底日月照耀金銀臺又甚霓
為衣兮風為馬雲之君兮紛紛而來下虎鼓瑟兮鸞
回車仙之人兮列如麻又忽覓悸以鬼動悅驚起而
長嗟惟覺時之枕席失向來之烟霞世間行樂亦如
此古來萬事東流水別君去時何時還且放白鹿青
崖間須行即騎訪名山安能摧眉折腰事權貴使我
不能開心顏范批云夢吳越以下夢之源也次諸節
夢之波瀾也其間顯而晦晦而顯至先

向來之烟霞極而與人接矣非太白之
筆次筆力亦不能發此枕席烟霞二句
最有力結語平衍亦
文勢之當如此也

鳴皋歌送岑徵君時梁園三尺雪
在清冷池作

若有人兮思鳴皋阻積雪兮心煩勞洪河凌競不可
以徑度冰龍鱗兮難容舸邈仙山之峻極兮聞天籟
之嘈嘈霜崖縞皓以合沓兮若長風扇海湧滄溟之
波濤玄猿綠羆舔嵒岌危柯振石駭膽慄鬼群呼
而相號峰崢嶸以路絕挂星辰於巖敷送君之歸兮
動鳴皋之新作交鼓吹兮彈絲觴清冷之池閣君不
行兮何待若反顧之黃鶴掃梁園之群英振大雅於

東洛巾征軒兮歷阻折尋幽居兮越巘巘盤白石兮
坐素月琴松風兮寂萬壑望不見兮心氛氳蘿冥冥
兮霰紛紛水橫洞以下淥波小聲而上聞虎嘯谷而
生風龍藏溪而吐雲寡鶴清唳飢鼯嘖呻鬼獨處此
幽默兮愀空山而愁人鷄聚族而爭食鳳孤飛而無
隣蠓蚋嘲龍魚目混珠媼母衣錦西施負薪歸來子
云此諄
諄效屈原卜居賈誼吊屈原語而
白才自逸蕩故或離而去之云若使巢由桎梏於
軒冕兮亦奚異乎夔龍蹠躡於風塵哭何苦而救楚
咲何誇而却秦吾誠不能學二子沽名矯節以耀世
兮固將棄天地而遺身白鷗兮飛來長與君兮相親

范云此篇稍長而詞意易見要亦楚人
流也唯其有蠓蚋魚目巢由夔龍等語故
前輩嘗稱之然此實非太白之用意處妙
不在此也與遠別離篇皆佳而彼深矣

唐詩三卷

七言古詩卷之二

唐詩品彙二十六

七言古詩卷之三

唐詩品彙二十七

明新寧高棟編陽平校刻

正宗

李白下

送餞八首

送羽林陶將軍

將軍出使擁樓船江上旌旗拂紫烟
萬里橫戈探虎穴三杯拔劍舞龍泉
莫道詞人無膽氣臨行將贈繞朝鞭

送程劉二侍郎無獨孤判官赴安西幕府

唐詩三卷

唐詩

安西幕府多材雄喧喧唯道三數公綉衣貂裘明積
雪飛書走檄如飄風朝辭明主出紫宮銀鞍送別金
城空天外飛霜下葱海火旗雲馬生光彩胡塞清塵
幾日歸漢家草綠遙相待

與諸公送陳郎將歸衡陽并序

仲尼旅人文王明夷苟非其時聖賢低眉况僕之
不肖者而遷逐枯槁固非其宜朝心不開暮髮盡
白而登高送遠使人增愁陳郎將儀風凜然英思
逸發來下曹城之榻去邀才子之詩動清興於山
流泛素波而往去諸公仰望不及連章祖之序惠

起予輒冠名賢之首作者嗤我乃為撫掌之資乎
衡山蒼蒼入紫冥下看南極老人星迴颺吹散五峰
雪徃徃飛花落洞庭氣清嶽秀有如此郎將一家拖
金紫門前食客亂浮雲世人皆比孟嘗君江上送行
無白壁臨岐惆悵若為分

送祝八之江東賦得浣紗石

西施越溪女明艷光雲海未入吳王宮殿時浣紗古
石今猶在桃李新開暎古查菖蒲猶短出平沙昔時
紅粉照流水今日青苔覆落花君去西秦適東越碧
山青江幾超忽若到天涯思故人浣紗石上窺明月

同王昌齡送族弟襄歸桂陽

爾家何在瀟湘川，青沙白石長江邊。
昨夢江花照江國，幾枝正發東牕前。
覺來欲往心悠然，夢隨越鳥飛南天。
秦雲連山海相接，桂水橫烟不可涉。
送君此去令人愁，風帆茫茫隔河洲。
春潭瓊草綠可折，西寄長安明月樓。

宣州謝朓樓餞別校書叔雲

棄我去者昨日之日不可留，亂我心者今日之日多
煩憂。長風萬里送秋雁，對此可以酣高樓。
蓬萊文章建安骨，中間小謝又清發。
俱懷逸興壯思飛，欲上青天

天覽日月，抽刀斷水水更流。舉杯消愁愁更愁，人生
在世不稱意，明朝散髮弄扁舟。
劉云崔嵬送右正在
絕一句不稱意欲

單父東樓秋夜送族弟沉之秦

爾從咸陽來，問我何勞苦。沐猴而冠不足言，身騎土
牛滯東魯。沉弟欲行疑弟留，孤飛一鴈秦雲秋。
坐來黃葉落四五，北斗已挂西城樓。
絲桐感人絃亦絕，滿堂送君皆惜別。
卷簾見月清興來，疑是山陰夜中雪。
明日斗酒別，惆悵清路塵。
遙望長安日，不見長安人。
長安宮闕九天上，此地曾經為近臣。
一朝復一朝，髮

白心不改，屈源憔悴，滯江潭。亭伯流離，放遼海，折翮
翻飛，隨轉蓬，聞絃虛墜。下霜空，聖朝久棄，青雲士。他
日誰憐，張長公。蕭云此篇卷顧宗國之意深

魯郡堯祠送竇明府簿華還西京
皆起病

朝策犁眉，駟舉鞭力不堪，強扶秋疾，向何處，角巾微
服，堯祠南，長楊掃地不見日，石門噴作金沙潭，啖誇
故人指絕境，山光水色青於藍，廟中往往來，擊鼓堯
本無心，尔何苦，門前長跪，雙石人，有女如花，日歌舞
銀鞍繡轂，往復回，簌林蹶石，鳴風雷，遠烟空翠，時明
鷗歷亂，長飛雪，紅泥亭子赤闌干，碧流環轉，青

錦湍深沉，百丈洞海底，那知不有蛟龍蟠，君不見綠
珠潭，水流東海，綠珠紅粉，沉光彩，綠珠樓下花滿園
今日曾無一枝在，昨夜秋聲閶闔來，洞房水落，騷人
哀，遂得三五少年輩，登高遠望，形神開，生前一咲輕
九鼎，魏武何悲，銅雀臺我歌白雲，倚牖尔聞其聲
但揮手，長風吹，月度海來，遙勸先人一盃酒，酒中樂
醜宵，向分舉觴，酌堯堯，可聞何不令，皋繇擁篲橫，八
極直上青天揮浮雲，高陽小飲，真瑣瑣，山翁酪酏何
如我，竹林七子去，道賒蘭亭，雄筆何足誇，堯祠咲殺
五湖水，至今憔悴空，荷花尔向西秦，我東越，暫向瀛

洲訪金闕藍田太白若可期為余掃洒石上月

留別三首

金陵酒肆留別

風吹白門一作柳花滿店香吳姬壓酒勸客嘗金陵子弟
來相送欲行不行各盡觴請君試問東流水別意與
之誰短長黃山谷云至此乃真太白妙處當
潛心焉劉須溪云終是太白語別

別山僧

何處名僧到水西乘舟弄月宿涇溪平明別我上山
去手携金策踏雲梯騰身轉覺三天近舉足回看萬
嶺低謔浪肯居支遁下風流還與遠公齊此度別離

何日見相思一夜暝猿啼

南陵別兒童入京一作古意

白酒新熟山中歸黃鸝啄黍秋正肥呼童烹雞酌白
酒兒女嘻笑牽人衣高歌取醉欲自慰起舞落日爭
光輝遊說萬乘苦不早着鞭跨馬涉遠道會稽愚婦
輕買臣余亦辭家西入秦仰天大喚出門去我輩豈
是蓬蒿人劉云草草一語傾倒至盡起四句說得還
山之樂磊落不辛若而情實暢然不可勝道

寄懷五首

早春寄王漢陽

聞道春還未相識。起傍寒梅訪消息。昨夜東風入武陽。陌頭楊柳黃金色。碧水渺渺雲茫茫。美人不來空斷腸。預拂青山一片石。與君連日醉壺觴。

寄王屋山人孟大融

我昔東海上。勞山餐紫霞。親見安期公。食棗大如瓜。中年謁漢主。不愜還歸家。朱顏謝春輝。白髮見生涯。所期就金液。飛步登雲車。願隨夫子天壇上。閑與僊人掃落花。

自漢陽病酒歸寄王明府

去歲左遷夜郎道。琉璃硯水長枯稿。今歲敕放巫山

陽蛟龍筆翰生輝光。聖主還聽子虛賦。相如却與論文章。願掃鸚鵡洲。與君醉百觴。咲起白雲飛七澤。歌吟綠水動三湘。莫惜連船沽美酒。千金一擲買春芳。

寄韋南陵冰

余江士乘此訪之。尋顏尚書咲有此贈。

南船正東風。北船來自緩。江上相逢借問君。語嘯未了。風吹斷。聞君携妓訪情人。應為尚書不顧身。堂上三千珠履客。甕中百斛金陵春。恨我阻此樂。淹留楚江濱。月色醉遠客。山花開欲然。春風狂殺人。一日虜三年。乘興嫌大遲。焚却子猷船。夢見五柳板。已看挂馬鞭。何日到彭澤。長歌陶令前。

憶舊遊寄譙郡元參軍 金陵

憶昔洛陽薰糟丘為余天津橋南造酒樓

劉云當時人當時語

不知太白援糟丘為重耶而使千載知其人如此黃金白壁買歌嘯一醉累

月輕王侯海內賢豪青雲客就中與君心莫逆迴山

轉海不作難傾情倒意無所惜我向淮南攀桂枝君

留洛北愁夢思不忍別還相隨相隨迢迢訪仙城三

十六曲水迴縈一谿初入千花明萬壑度盡松風聲

劉云清景逼人終不刻意銀鞍金絡倒平地漢東太守來相迎紫

陽之真人邀我吹玉笙餐霞樓上動仙藥嘈然宛似

鸞鳳鳴袖長管催欲輕舉漢中太守醉起舞手持錦

花覆我身我醉橫眠枕其股

劉云起語如非人豪

當筵意氣

凌九霄星離雨散不終朝分飛楚閩山水遙余既還

山尋故巢君亦歸家渡渭橋君家嚴君勇貔虎作尹

并洲遏戎虜五月相呼度太行摧輪不道羊腸苦行

來北涼歲月深感君貴義輕黃金瓊盃綺食青玉案

使我醉飽無歸心時時出向城西曲晉祠流水如碧

玉浮舟弄水簫鼓鳴微波龍鱗莎草綠興來携妓恣

經過其若楊花如雪何紅粧欲醉宜斜日百尺清潭

寫翠娥

劉云清麗動人

翠娥嬋娟初月輝美人更唱舞羅衣

清風吹歌入空去歌曲自繞行雲飛

劉云携妓褰景寫入天際宛轉

情徹此時行樂難再遇西遊因獻長楊賦北闕青雲不
可期東山白首還歸去渭橋南頭一遇君鄭堂之北
又離群問余別恨知多少落花春暮爭紛紛言亦不
可盡情亦不可極呼兒長跪緘此辭寄君十里遙相
憶劉云却只如此結法讀起句便使人驚倒

贈六首

贈裴十四

朝見裴叔則朗如行玉山黃河落天走東海萬里寫
入胷懷間身騎白黿不敢渡金高南山買君願徘徊
六合無相知飄若浮雲且西去

贈潘侍御論錢少陽

繡衣柱史何昂藏牙冠白簡橫秋霜三軍諭事多引
納堦前虎士羅千將雖無二十五老者且有一翁錢
少陽眉如松雪齊四皓調嘯可以安儲皇君能禮此
寂下士九州拭目瞻清光

流夜郎贈辛判官

昔在長安醉花柳五侯七貴同杯酒氣岸遙凌豪士
前風流肯落他人後夫子紅顏我少年童臺走馬看
金鞭文章獻納麒麟殿歌舞淹留玳瑁筵與君自謂
長如此寧知草動風塵起函谷忽驚胡馬來秦宮桃

李向明開我愁遠謫夜郎去何日金鷄放赦回

醉後贈從甥高鎮

馬上相逢揖馬鞭客中相見客中憐欲邀擊筑悲歌
飲正值傾家無酒錢江東風光不借人枉殺落花空
自春黃金逐手快意盡昨日破產今朝貧丈夫何事
空咲傲不如燒却頭上巾君為進士不得進我被秋
霜生旅髮時清不及英豪人三尺童兒重廉藺匣中
盤劍裝蝟魚閑在腰間未用渠且將換酒與君醉醉
歸託宿吳專諸

贈從弟南平太守之遙

少年不得意落魄無安居願隨任公子欲釣吞舟魚
常時飲酒逐風景壯志遂與功名踈蘭生谷底人不
鋤雲在高山空卷舒漢家天子馳駟馬赤車蜀道迎
相如天門九重謁聖人龍顏一解四海春彤庭左右
呼萬歲拜賀明主收沉淪翰林秉筆回英眊麟閣崢
嶸誰可見承恩初入銀臺門著書獨在金鑾殿龍駒
雕鎧白玉鞍象床綺席黃金盤當時嘯我微賤者却
來請謁為交歡一朝謝病遊江海疇昔相知幾人在
前門長揖後門關今日結交明日改愛君山嶽心不
移隨君雲霧迷所為夢得池塘生春草使我長價登

樓詩別後遙傳臨海作可見羊何共和之

江夏贈韋南陵冰

胡驕馬驚沙塵起胡雛飲馬天津水君為張掖近酒
泉我竄三巴九千里天地再新法令寬夜郎遷客帶
霜寒西憶故人不可見東風吹夢到長安寧期此地
忽相遇驚喜茫如墮烟霧玉簫金管喧四筵苦心不
得申長句昨日繡衣傾綠樽病如桃李竟何言昔騎
天子大宛馬今乘款段諸侯門賴遇南平豁方寸復
兼夫子持清論有似山開萬里雲四望青天解人悶
人悶還心悶苦辛長苦辛愁來飲酒二千石寒灰重

暖生陽春山翁醉後能騎馬別是風流賢主人頭陀
雲月多僧氣山水何曾稱人意不然鳴笳按鼓戲滄
流呼取江南兒女歌擢謚我且為君槌碎黃鶴樓君
亦為吾倒却鸚鵡洲赤壁爭雄如夢裏且須歌舞寬
離憂

酬答三首

醉後答丁十八以詩譏余槌碎黃鶴樓

黃鶴高樓已槌碎黃鶴仙人無所依黃鶴上天訴玉
帝却放黃鶴江南歸神明太守再雕飾新圖粉壁還
芳菲一州嘯我為狂客少年徃徃來相譏君平簾下

唐詩二十七卷
誰家子云是遼東丁令威作詩調我驚逸興白雲遶
筆惚前飛待取明朝酒醒罷與君爛熳尋春輝

早秋單父南樓酬竇公衡

白露見日滅紅顏隨霜凋別君若俯仰春芳辭秋條
泰山嵯峨夏雲在疑是白波漲東海散為飛雨川上
來遙帷却卷清浮埃知君獨坐青軒下此時結念同
所懷我閉南樓看道書幽簾清寂在仙居曾無好事
來相訪賴爾高文一起予

答杜秀才五松見贈

昔獻長楊賦天開雲雨歡當時待詔承明裏皆道揚
雄才可觀敕賜飛龍二天馬黃金絡頭白玉鞍浮雲
蔽日去不返總為秋風摧紫蘭角巾東出商山道採
秀行歌詠芝草路逢園綺嘯向人兩君解來一何好
聞道金陵龍虎盤還同謝眺望長安千峰夾水向秋
浦五松名山當夏寒銅井炎鑪歆九天赫如鑄鼎荆
山前陶公矍鑠呵赤電回祿睚眦揚紫烟此中豈是
久留處便欲燒丹從列仙愛聽松風且高卧颼颼吹
盡炎氛過登崖獨立望九州陽春欲泰誰相和聞君
往年遊錦城章仇尚書倒屣迎飛牋絡繹奏明主天
書降問廻恩榮骭髀不能就珪組至今空揚高蹈名

唐詩二十七卷
夫子工文絕世奇，五松新作天下推。吾非謝尚邀彥伯，異代風流各一時。一時相逢樂在今，拂袖白雲開素琴。彈為三峽流泉音，從茲一別武陵去。去後桃花春水深。

遊覽三首

夜泊黃山聞殷十四吳吟

昨夜誰為吳會吟，風生萬壑振空林。龍驚不敢水中臥，猿嘯時聞巖下音。我宿黃山碧溪月，聽之却罷松間琴。朝來果是滄洲逸，酤酒醅盤飯霜栗。半酣更發江海聲，客愁頓向杯中失。

携妓登梁王樓霞山孟氏桃園中

碧草已滿地，柳與梅爭春。謝公自有東山妓，金屏嘯坐如花人。今日非昨日，明日還復來。白髮對綠酒，強歌心已摧。君不見梁王池上月，昔照梁王樽酒中。梁王已去明月在，黃鸝愁醉啼春風。分明感激眼前事，莫惜醉卧桃園東。

把酒問月 故人賈淳令予問之

青天有月來幾時，我今停杯一問之。人攀明月不可得，月行却與人相隨。皎如飛鏡臨丹闕，綠烟滅盡清輝發。但見宵從海上來，寧知曉向雲間沒。白兔搗藥

唐詩卷七
秋復春嫦娥孤棲與誰鄰今人不見古時月今月曾
經照古人古人今人若流水共看明月皆如此惟願
當歌對酒時月光長照金樽裏

題三首

觀博平王志安少府山水粉圖

粉壁為空天丹青狀江海遊雲不知歸日見白鷗在
博平真人王志安沉吟至此願挂冠松溪石磴帶秋
色愁客思歸坐曉寒

同族弟金城尉叔卿燭照山水壁畫歌

高堂粉壁圖蓬瀛燭前照見滄洲清洪波洶湧山嶺
嵒皎若丹丘隔海望赤城光中乍喜風氣滅謂逢山
陰晴後雪迴溪碧流寂無喧又如秦人月下窺花源
燎然不覺清心魂祗將疊嶂鳴秋猿與君對此懽未
歇放歌行吟達明發却願海客揚雲帆便欲因之向
溟渤

當塗趙炎少府粉圖山水

峨眉高山西極天羅浮直與南溟連名公繹思揮彩
筆驅山走海置眼前滿堂空翠如可掃赤城霞氣蒼
梧烟洞庭瀟湘意渺綿三江七澤清湘公驚濤洶湧
向何處孤舟一去迷歸年征帆不動亦不旋飄如隨

風落天邊心揺目斷與難盡幾時可到三山巔西峰
崢嶸噴流泉橫石蹙水波潺湲東厓合沓蔽輕霧深
林雜樹空芊綿此中冥昧失晝夜隱几寂聽無鳴蟬
長松之下列羽客對坐不語南昌僊南昌僊人趙夫
子妙年歷落青雲士訟庭無事羅衆賓杳然如在丹
青裏五色粉圖安足珎直僊可以全吾身若待功成
拂衣去武陵桃花嘯殺人

閨情五首

思邊

去歲何時君別妾南園綠草飛蝴蝶今歲何時妾憶

君西山白雪暗秦雲玉關此去二千里欲寄音書郵
可聞

寄遠二首

美人在時花滿堂美人去後餘空牀牀中綉被卷不
寢至今三載聞餘香香亦竟不滅人亦竟不來相思
黃葉落白露凝滋青苔

憶昨東園桃李紅碧枝與君此時初別離金瓶落井
無消息令人行嘆復坐思坐思行嘆成楚越春風主
顏畏銷歇碧牕紛紛下落花青樓寂寂空明月兩不
見但相思空流錦字表心素至今緘愁不忍窺

示金陵子一作金陵子詞

金陵城東誰家子，竊聽琴聲碧牕裏。
落花一片天上來，隨人直度西江水。
楚歌吳語嬌不成，似能未能最
有情。謝公正要東山妓，携手林泉處處行。

代寄情楚詞體

君不來兮徒蓄怨，積思而孤吟。
雲陽一去已遠隔，巫山綠水之沉碧。
餘香兮染綉被，夜欲寢兮愁人心朝
馳。余馬於青樓，恍若空而夷。
猶浮雲深兮不得語，却惆悵而懷憂。
使青鳥兮啣書，恨獨宿兮傷離。
居何無情而雨絕，夢雖往而交疏。
橫流涕而長嗟，折芳洲之

哀傷一首

自溧水道哭王炎

王公希代寶，棄世一何早。
吊死不及哀，殯官已秋草。
悲來欲脫劍，挂向何枝好。
哭向茅山雖未摧，一生淚
盡丹陽道。

七言古詩卷之三

唐詩品彙二十七

七言古詩卷之四

唐詩品彙二十八

明新豐樓編書陽生校刻

大家

杜甫

貧交行

翻手作雲覆手雨紛紛輕薄何須數君不見管鮑貧
時交此道今人棄如土

劉須溪云只從俗態畧證古意

折檻行

嗚呼房魏不復見秦王學士時難羨青衿胄子困泥
塗白馬將軍若雷電千載少似朱雲人至今折檻空

嶙峋婁公不語宋公語尚憶先皇容直臣

大麥行

大麥乾枯小麥黃婦女行泣夫走藏東至集壁西梁
洋問誰腰鎌胡與羌豈無蜀兵三千人部領辛苦江
山長安得如鳥有羽翅託身白雲還故鄉

苦戰行

苦戰身死馬將軍自云伏波之子孫干戈未定失壯
士使我歎恨傷精魂去年江南討狂賊臨江把臂難
再得別時孤雲今不飛時獨看雲淚橫臆

悲陳濤

此詩為房琯而作也琯與
陳濤戰于陳濤斜敗績

孟冬十郡良家子血作陳濤澤中水野曠天清無戰
聲四萬義軍同日死群胡歸來血洗箭仍唱胡歌飲
都市都人回首向北啼日夜更望官軍至

朱鳳行

此詩為衡州刺史陽濟作也時
濟稱連帥之賊以詩滅琮之亂

君不見見瀟湘之山衡山高山巔朱鳳聲嗷嗷側身長
顧求其曹翅垂口噤心甚勞下愁白鳥在羅網黃雀
寂少難逃願分竹實及麩蟻盡使鳴梟相怒號

越王樓歌

綿州州府何磊落題慶年中越王作孤城西北起高
樓碧瓦朱甍照城郭樓下長江百丈清山頭落日半

輪明君王舊跡今人賞轉見千秋萬古情劉云不

大覺高僧蘭若

巫山不見廬山遠松林蘭若秋風晚一老猶鳴日暮
鍾諸僧尚乞齋時飯香爐峯色隱晴湖種杏仙家近
白榆飛錫去年啼邑子獻花何日許門徒

三秋風

秋風淅淅吹我衣東流之外西日微天晴小城擣練
急石古細路行人稀不知明月為誰好早晚孤帆他
夜歸會將白髮倚庭樹故園池臺今是非趙次公曰
此寫眼前
之景宛轉含蓄道不盡凄感之意。劉云
如竹枝樂府矯矯長句不必親切為已

夜聞簷簷

夜聞簷簷滄江上衰年側耳情所嚮隣舟一聽多感
傷塞曲三更歛悲壯積雪飛霜此夜寒孤燈急管復
風湍君知天地干戈滿不見江湖行路難劉云君知
干戈如此
則不復恨行路
矣。實歷喟然

乾元中寓居同谷縣作歌七首李薦師友 記聞太白

遠別離蜀道難與子美寓居同谷七
歌風騷之極致不在屈原之下也

有客有客字子美白頭亂髮垂過耳歲拾橡栗隨狙
公天寒日暮山谷裏中原無書歸不得手足凍皴皮
肉死嗚呼一歌兮歌已哀悲風為我從天來

二

長鏡長鏡白木柄劉云一歌喚子美二我生托子以
為命黃精無苗山雪盛短衣數挽不掩脛此時與子
空歸來男呻女吟四壁靜嗚呼二歌兮歌始放閭里
為我色惆悵劉云非必人人為我惆悵而有其色

三

有弟有弟在遠方三人各瘦何人強生別展轉不相
見胡塵暗天道路長東飛駕鶴後鵝鷓安得送我至
汝傍嗚呼三歌兮歌三發汝歸何處收兄骨

四

有妹有妹在鍾離良人早沒諸孤癡長淮浪高蛟龍
怒十年不見來何時扁舟欲往箭滿眼杳杳南國多
旌旗嗚呼四歌兮歌四奏林猿為我啼清晝

五

四山多風溪水急寒雨颯颯枯樹濕劉云是景黃蒿古
城雲不開白狐跳梁黃狐立我生胡為在窮谷中夜
起坐萬感集嗚呼五歌兮歌正長魂招不來歸故鄉

劉云何其竟招不來耶歸故鄉也

六

南有龍兮在山湫古木龍從枝相樛木葉黃落龍正

螿蝮蛇東來水上游。我行怪此安敢出。拔劍欲斬且復休。嗚呼六歌兮歌思遲。溪壑為我迴春姿。劉云獨

春姿者愿車駕反正之辭也。心所同然。千載如對。

七

男兒生不成名身已老。三年饑走荒山道。長安鄉相多少年。富貴應須致身早。山中儒生舊相識。但話宿昔傷懷抱。嗚呼七歌兮。倘終曲仰視皇天白日速。劉

聲氣俱尽。孫季昭示兒編云。歐陽公傷五季之亂。作五代史序論。故盡以嗚呼冠其首。杜子美傷唐室之亂。作詩史於歌行間。以嗚呼結其末。同谷歌冬狩行折檻行白馬詩等篇。是也。前此詩人所稀有者。公強用之。其陽人思古之意歟。

短歌行贈王郎司直

玉郎酒酣拔劍斫地歌。莫哀我能拔爾抑塞磊落之。奇才豫樟翻風白日動。鯨魚跋浪滄溟開。且脫劍佩休徘徊。西得諸侯棹錦水。劉云西得諸侯以下謂王司直。知我我復捨此何向。欲向何門。跋珠履。仲宣樓頭春色深。青眼高歌望吾子。眼中之人吾老矣。劉云豪氣激人。堂堂復堂堂。

玄都壇寄元逸人

故人昔隱東蒙峰。已佩含景蒼精龍。故人今居子午谷。獨在陰崖結茆屋。屋前太古玄都壇。青石漠漠常風寒。子規夜啼山竹裂。王母晝下雲旗翻。知君此計

成長往。芝草琅玕日應長。鍊鎖高垂不可攀。致身福地何蕭爽。

莫相疑行

男兒生無所成頭皓白牙齒欲落真可惜憶獻三賦
蓬萊宮自怪一日聲輝赫集賢學士如堵墻觀我落
筆中書堂往時文彩動人主此日飢寒趨路傍晚將
末契托年少當面輸心背面咲寄謝悠悠世上兒不
爭好惡莫相疑劉云寫得標致懷抱如此

醉歌行贈公安顏少府請顧公題壁

神僊中人不見得顏氏之子才孤標天馬長鳴待駕

馭秋鷹整翮當雲霄君不見東吳顧文學君不見西

漢杜陵老

劉云面前人着兩不見唐突可人

詩家筆勢君不嫌詞翰

升堂為君掃是日霜風凍七澤烏鬢落照銜赤壁酒

酣耳熱忘頭白感君意氣無所惜為歌行歌主客

戲題王宰畫山水圖歌

十日畫一水五日畫一石能事不受相促迫王宰始
肯留真跡壯哉崑崙方壺圖挂君高堂之素壁巴陵
洞庭日本東赤岫水與銀河通中有雲氣隨飛龍舟
人漁子入浦叙山木盡匝洪濤風尤工遠勢古莫比
咫尺應須論萬里焉得并州快剪刀剪取吳松半江

水

高都護駱馬行

安西都護胡青驄聲價歛然來向東此馬臨陣久無
 敵與人一心成大功劉云亦功成惠養隨所致飄飄
 遠自流沙至雄姿未受伏櫪恩猛氣猶思戰場利劉
 此氣骨腕促蹄高如踣鏃交河幾蹴層冰裂五花散
 不可少劉作雲滿身萬里方看汗流血長安壯兒不敢騎走過
 掣電傾城知青絲絡頭為君老何由却出橫門道劉

只如此語絕是

負薪行

夔州處女髮半華四五十無夫家更遭喪亂嫁不
 售一生抱恨堪咨嗟土風坐男使女立應當門戶女
 出入十猶八九負薪歸賣薪得錢應供給至老雙鬟
 只垂頸野花山葉銀釵竝筋力登危集市門死生射
 利兼鹽井面粧首飾雜啼痕地褊衣寒困石根若道
 巫山女麓醜何得此有昭君村

寂能行

峽中丈夫絕輕死少在公門多在水富家有錢駕大
 舸貧窮取給行艤子小兒學問止論語大兒結束隨
 商旅歌帆側拖入波濤檝旋梢噴無險阻朝發白帝

莫江陵頂來目擊信有徵瞿塘漫天虎鬚怒歸州長
年行寂能此鄉之人氣量窄誤競南風踈北客若道
土無英雄才何得山有屈原宅

寄栢學士林屋

自胡之反持干戈天下學士亦奔波嘆彼幽棲載典
籍蕭然暴露依山阿青山萬里靜散地白雨一洗空
垂蘿亂代飄零予到此古人成敗子如何荆楊春冬
異風土巫峽日夜多風雨赤葉楓林百舌鳴黃泥野
岫天雞舞盜賊縱橫甚密邇形神寂寞其辛苦幾時
高議排金門各使蒼生有環堵

杜鵑行

君不見昔日蜀天子化為杜鵑似老烏寄巢生子不
自啄群鳥至今為哺雛雖同君臣有舊禮骨肉滿眼
身羈孤業工竄伏深樹裏四月五月偏號呼其聲哀
痛口流血所訴何事常區區爾豈摧殘始發憤羞帶
羽翻傷形愚蒼天變化誰料得萬事反覆何所無萬
事反覆何所無豈憶當殿群臣趨

栢樹為風雨所拔歎

倚江栢樹草堂前故老相傳二百年誅茅卜屋總為
此五月髣髴聞寒蟬東南飄風動地至江翻石走流

唐詩子卷一
雲氣幹排雷雨猶力爭根斷泉源豈天意蒼波老剗
性所愛浦上童童一青蓋野客頻留懼雪霜行人不
過聽竿籟虎倒龍顛委榛棘淚痕血點垂胞臆我有
新詩何處吟草堂自此無顏色

戲韋偃為雙松圖歌

天下幾人盡古松畢宏已老韋偃少絕筆長松起纖
末滿堂動色嗟神妙兩株慘裂苔蘚皮屈鉞交錯迴
高枝白摧朽骨龍虎死黑入太陰雷雨垂松根胡僧
憇寂寞龐眉皓首無住着偏袒右肩露雙腳葉裏松
子前落韋侯韋侯數相見我有一匹好東絹重之
不減錦繡段已令拂拭光凌亂請公放筆為直幹

送孔巢父謝病歸遊江東兼呈李白

巢父掉頭不肯住東將入海隨烟霧詩卷長留天地
間釣竿欲拂珊瑚樹深山大澤龍蛇遠春寒野陰風
景暮劉云不必有所從來不必有所指玄又蓬萊織

女迴籠車指點虛無引歸路自是吾身有仙骨世人
那得知其故惜君只欲苦死留劉云兩君見賓主富貴何如

草頭露蔡侯靜者意有餘清夜置酒臨前除罷琴惆

悵月照席幾歲寄我空中書南尋禹穴見李白道甫

問信今何如

劉云其迭蕩創體類自得得意故成大家耳

冬末以事之東都湖城遇孟雲卿復歸劉
顥宅宿宴飲散因為醉歌

疾風吹塵暗河縣行子隔年不相見湖城城北一開
眼駐馬偶識雲卿面向非劉顥為地主懶迴鞭轡成
高宴劉侯歡我携客來置酒張燈促華饌且將款曲
終今夕休語艱難尚酣戰照室紅爐促曙光紫牕素
月垂文練天開地裂長安陌寒盡春生洛陽殿豈知
驅車復同軌可惜刻漏隨更箭人生會合不可常庭
樹鷄鳴淚如綫

陪王侍御同登東山最高頂宴姚通泉晚

携酒泛江

姚公美政誰與儔不減昔時陳太丘邑中上客有柱
史多暇日陪驄馬遊東山高頂羅珎饒下顧城郭消
我憂清江白日落欲盡復携美人登綵舟笛聲憤怨
哀中流妙舞逶迤夜未休燈前往往大魚出聽曲低
昂如有求三更風起寒浪湧取樂喧呼覺船重滿空
星河光破碎四座賓客色不動請公臨深莫相違迴
船罷酒上馬歸人生歡會豈有極無使霜露沾人衣

錦樹行

題日錦樹
使人刮目

今日苦短昨日休歲二暮矣增離憂霜凋碧樹作錦

唐詩二十八卷
樹萬壑東逝無停留荒戍之城石色古東郭老人住
青丘飛書白帝營斗粟琴瑟几杖柴門幽青草萋萋
盡枯死天驥跛足隨羸牛自古聖賢多薄命姦雄惡
少封公侯故國三年一消息終南渭水寒悠悠五陵
豪貴反顛倒鄉里小兒狐白裘生男墮地要膂力生
女富貴傾邦國莫愁父母少黃金天下風塵兒亦得

瘦馬行

東郊瘦馬使我傷骨骼肆兀如堵墻絆之欲動轉欹
側此豈有意仍騰驤細看六印帶官字衆道三軍遺
路傍皮乾剝落雜泥滓毛若蕭條連雪霜去歲奔波

逐餘寇驕驕不慣不得將士卒多騎內廐馬惆悵恐
是病乘黃當時塵塊悞一蹶委棄非汝能周防見人
慘澹若哀訴失主錯莫無晶光天寒遠放鴈為伴日
暮不收烏啄瘡誰家且養願終惠更試明年春草長

劉云展轉沉着寬厚惻怛感動千古

哀江頭

少陵野老吞聲哭春日潛行曲江曲江頭宮殿鎖千
門細柳新蒲為誰綠憶昔霓旌下南苑苑中萬物生
顏色昭陽殿裏第一人同輦隨君侍君側輦前才人
帶弓箭白馬嚼齧黃金勒翻身向天仰射雲一箭正

墜雙飛翼明眸皓齒今何在血污遊魂歸不得清渭
東流劍閣深去住彼此無消息人生有情淚沾臆江

水江花豈終極黃昏胡騎塵滿城欲往城南意南北

蘇子由云哀江頭篇詞氣如百金戰馬
王坡騫潤如履平地得詩人之遺法

樂遊園歌

公自注云晦日賀蘭楊
長史筵醉中作。按西

京雜記樂遊園漢宣帝所立唐長安中太
平公主於原上置庭遊賞其坡四望寬敞
每上已重陽士大夫於此袂袂登高車馬填
塞朝士詞人賦詩翌日傳於京師

樂遊古園翠森爽烟綿碧草萋萋長公子華筵勢最

高秦川對酒平如掌長生木瓢示真率更調鞍馬狂

歡賞青春波浪芙蓉園白日雷霆夾城仗閭闔晴開

映蕩蕩曲江翠幕排銀榜拂水低垂舞袖翻綠雲清

切歌聲上劉云婉約有態却憶年年人醉時只今未醉已先

悲劉云別語數莖白髮那拋得百罰深盃亦不辭聖朝

亦知賤士醜一物自荷皇天慈此身飲罷無歸處獨

立蒼茫自味詩劉云每誦此結不自堪
又云吾常墮淚於此

寄韓諫議注

今我不樂思岳陽身欲奮飛病在床美人娟娟隔秋

水濯足洞庭望八荒鴻飛冥冥日月白青楓葉赤天

雨霜玉京群帝集北斗或騎麒麟翳鳳凰芙蓉旌旗

烟霧落影動倒景搖瀟湘星宮之君醉瓊漿羽人稀

少不在傍似聞昨者赤松子恐是漢代韓張良昔隨
劉氏定長安帷幄未改神慘傷國家成敗吾豈敢色
難腥腐食楓香周南留滯古莫惜南極老人應壽昌
美人胡為隔秋水焉得置之貢玉堂

注未竟不合

飲中八仙歌

知章騎馬似乘船眼花落井水底眠汝陽三斗始朝
天道逢翹車口流涎恨不移封向酒泉左相日興費
萬錢飲如長鯨吸百川啣盃樂聖稱世賢或作世宗賢無文
之瀟灑美少年舉觴白眼望青天皎如玉對臨風前

蘓晉長齋綉佛前醉中往往愛逃禪李白一斗詩百
篇長安市上酒家眠天子呼來不上船自稱臣是酒
中僊張旭三盃草聖傳脫帽露頂王公前揮毫落紙
如雲烟焦遂五斗方卓然高談雄辯驚四筵

云此歌重疊用韵古無其体嘗質之叔父允度云此歌分八篇人人各畢雖重押韵無害亦三百篇分章之意也。劉云不倫不理各極其平生極其醉趣古無比体無此妙謂為八仙甚稱

驄馬行 公自注云太常良卿勅賜為也 李鄧公愛而有之命甫製詩

鄧公馬癖人共知初得花驄大宛種夙昔傳聞思一
見牽來左右神皆竦雄姿逸態何酋率顧影嬌嘶自
矜寵隅目青熒夾鏡懸肉駿礪礪連錢動朝來少試

唐詩二十卷
華軒下未覺千金滿高價赤汗微生白雪毛銀鞍却
覆香羅帕劉云無繫要有風味卿家舊物公能取天廐真龍此
其亞晝洗湏騰涇渭深朝趨可刷幽并夜吾聞良驥
老始成此馬數年人更驚豈有四蹄疾於鳥不與八
駿俱先鳴時俗造次那得致雲霧晦冥方降精近聞
下詔宣都邑肯使麒麟地上行

醉歌行公自注從姪勤落第歸作此以別之

陸機二十作文賦汝更少年能綴文總角抄書又神
速世上兒子徒紛紛驪駒作駒已汗血驚鳥舉翮連
青雲詞源倒流三峽水筆陣擲掃千人軍只今年纔

十六七射策君門期第一舊穿楊葉真自知暫蹶霜
蹄未為失偶然擢秀非難取會是排風有毛質汝身
已見唾成珠汝伯何由髮如漆春光淡沲秦東亭渚
蒲牙白水荇青風吹客衣日杲杲樹攬離思花冥冥
酒盡沙頭雙玉瓶衆賓已醉我獨醒乃知貧賤別更
苦吞聲躑躅涕淚零劉云人有此情寫得不濃至而止

古栢行

孔明廟前有老栢柯如青銅根如石范元實云此形似之語霜
皮溜雨四十圍黛色參天二千尺君臣已與時際會
樹木猶為人愛惜雲來氣接巫峽長月出寒通雪山

白范元實云此激昂之語日昨路繞錦亭東先主武侯同閔宮
崔嵬枝幹郊原古窈窕丹青戶牖空落落盤踞雖得
地冥冥孤高多烈風扶持自是神明力正直元因造
化功大厦如傾要梁棟萬牛回首丘山重不露文章
世已驚未辭剪伐誰能送苦心豈免容蝼蟻香葉終
經宿鸞鳳志士幽人莫怨嗟古來材大難為用

憶昔行

憶昔比尋小有洞洪河怒濤過輕舸辛勤不見華蓋
君良岑清輝慘么麼十崖無人萬壑靜三步回頭五
步坐秋山眼冷魂未歸仙賞心違淚交墮劉云亦懇款數四

弟子誰依白茆室盧老獨啓青銅鎖巾拂香餘搗藥
塵階除灰死燒丹火玄圃滄洲莽空澗金節羽衣飄
婀娜落日初霞閃餘映倏忽東西無不可劉云恍忽語松
風澗水聲合時青兕黃熊啼向我劉云岑寂語四句經俯仰形容之妙
徒然咨嗟撫遺跡至今夢想仍猶左秘訣隱文湏內
教晚歲何功使願果更討衡陽董鍊師南遊早鼓瀟
湘拖

冬狩行

公自注時梓州刺史章彝無侍御史留後東川將章彝大閱東川公

以此詩調其多殺仍王室勉其攘夷伏安

君不見東川節度兵馬雄校獵亦似觀成功夜發猛

士三千人。清晨合圍步驟同。禽獸已斃十七八。殺聲
落日迴蒼灣。幙前生致九青兕。駝駝嶺危垂玄熊。東
西南北百里間。髮髯蹴踏寒山空。有鳥名鸛。鴿力不
能高飛。逐走蓬肉味不足。登鼎俎。胡為見羈虞羅中。
春蒐冬狩。侯得同使君。五馬一馬駮。况今攝行大將
權。號令頗有前賢風。飄然時危一老翁。十年厭見旌
旗紅。喜君士卒甚整肅。為我回轡擒西戎。草中狐兔
盡何益。天子不在咸陽宮。朝庭雖無幽王禍。得不哀
痛塵再蒙。嗚呼得不哀痛塵再蒙。

哀王孫

毛深父日時安婦山驚潼關上夜半出延秋門諸王公主皆不及從

多為賦所屠此詩記而哀之

長安城頭頭白鳥。夜飛延秋門上呼。又向人家啄大
屋。屋底達官走避胡。劉云起如童謠省敘事處金鞭斷折九馬死。
骨肉不待同馳驅。腰下寶玦青珊瑚。可憐王孫泣路
隅。問之不肯道姓名。但道困苦乞為奴。已經百日竄
荆棘。身上無有完肌膚。高帝子孫盡隆準。龍種自與
常人殊。豺狼在邑龍在野。王孫善保千金軀。不敢長
語臨交衢。且為王孫立斯須。昨夜春風吹血醒。東來
橐駝滿舊都。朔方健兒好身手。昔何勇銳今何愚。竊
聞太子已傳位。聖德北服南單于。花門整面請雪耻。

夷狄人失君長往以刀破面哭曰黎面

慎勿出口他人狙。哀哉王孫慎勿踈。五陵佳氣無時

無。劉云忠臣之盡心舍卒之隱語備盡情態

觀公孫大娘弟子舞劍器行 并序

大曆二年十月十九日夔州別駕元特宅見臨穎李十二娘舞劍器壯其蔚跂問其所師曰余公孫大娘弟子也開元三載余尚童稚記於郾城觀公孫氏舞劍器渾脫瀏漓頓挫獨出冠時自高頭宜春梨園二伎坊內人洎出供奉曉是舞者聖文神武皇帝初公孫一人而已王貌繡衣况余白首今茲弟子亦匪盛顏既辨其由來知波瀾莫二撫事

慷慨聊為劍器行昔者吳人張旭善草書書帖數常於鄴縣見公孫大娘舞西河劍器自此草書長進豪蕩感激即公孫可知矣

昔有佳人公孫氏一舞劍器動四方觀者如山色沮喪天地為之久低昂燿如羿射九日落矯如羣帝駢龍翔來如雷霆收震怒罷如江海凝清光

劉云名絳狀得意

唇朱袖兩寂寞况有弟子傳芬芳臨穎美人在白帝妙舞此曲神揚揚與余問答既有以感時撫事增惋傷先帝侍女八千人公孫劍器初第一五十年間似反掌風塵頽洞昏王室梨園弟子散如烟女樂餘姿

映寒日金粟堆南木已拱瞿唐石城草蕭瑟玳筵急
管曲復終樂極哀來月東出老夫不知其所往足繭

荒山轉愁疾

劉云濃至慘黯如野中斷聞者自不絕也

蘇端薛復筵簡薛華醉歌

文章有神交有道端復得之名譽早

劉云第能此愛起不患辭究

客滿堂盡豪傑開筵上日思芳艸安得健步移遠梅

亂插繁花向晴昊千里猶殘舊冰雪百壺且試開懷

抱垂老惡聞戰鼓悲急勝為緩憂心擣少年努力縱

談笑看我形容已枯槁座中薛華善醉歌歌辭自作

風格老近來海內為長句汝與山中李白好劉云此老歌行

之妙有不自知其所至者何劉沈謝力未工才兼鮑照愁絕倒諸

生頗盡新知樂萬事終傷不自保劉云可哀氣酣日落西

風來願吹野水添金盃如澆之酒常快意亦知窮愁

安在哉忽憶雨時秋井塌古人白骨生青苔如何不

飲令心哀

劉云豪俠

羨陂行

岑參兄弟皆好奇携我遠來遊羨陂天地曠慘忽異

色波濤萬頃堆琉璃琉璃汗漫泛舟入事殊興極憂

思集黿作鯨吞不復知惡風大浪何嗟及主人錦帆

相為開舟子喜甚無氛埃鳥鷺散亂棹謳發絲管啁

啾空翠來沉竿續蔓深莫測菱葉荷花淨如拭宛在
中流勃澹清下歸無極終南黑半陂已南純浸山影
動裊窈冲融間舡舫暝曼雲際寺水面月出藍田關
劉云寫景入微烟波遠近變態具足此時驪龍亦吐珠馮夷擊鼓群龍
趨湘妃漢女出歌舞金支翠旗光有無咫尺但愁雷
雨至蒼茫不曉神靈意劉云慘愴之容少壯幾時柰老何向來
者置不復道吾常遊西湖遇風雨誦此語如同舟同時

哀樂何其多

奉先劉少府新畫山水障歌

堂上不合生楓樹恠底江山起烟霧聞君掃却赤縣

圖乘輿遣畫滄洲趣畫師亦無數好手不可遇對此
融心神知君重毫素豈但祁岩與鄭虔筆跡遠過楊
契丹得非玄圃裂無乃瀟湘翻悄然坐我天姥下耳
邊已似聞清猿反思前夜風雨急乃是滿城鬼神入
元氣淋漓障猶濕真宰上訴天應泣野亭春還雜花
遠漁翁溟踏孤舟立滄浪水深青溟濶歌岼側島秋
毫末不見湘妃鼓瑟時至今斑竹臨江活劉侯天機
精愛畫入骨髓自有兩兒郎揮灑亦莫比大兒聰明
到能添老樹巔崖裏小兒心孔開貌得山僧及童子
若耶溪雲門寺吾獨胡為在泥滓青鞋布襪從此始

唐詩三卷一
劉云玄淡活脫自在。邵德機云歌行之奇清景絕者。又云古今顯盡之律度也。

韋諷錄事宅觀曹將軍畫馬圖引

國初以來畫鞍馬神妙獨數江都王劉云起得踈將正合古意將軍得名三十載人間又見真乘黃魯貌先帝照夜白龍池十日飛霹靂內府殷紅馬腦盤婕妤傳詔才人索盤賜將軍拜舞歸輕紈細綺相追飛貴戚權門得筆跡始覺屏障生光輝昔日太宗拳毛騮近時郭家獅子花今之新圖有二馬復令識者又嘆嗟此皆騎戰一敵萬縞素漠漠開風沙其餘七疋亦殊絕迥若寒空動烟雪霜蹄蹴踏長楸間馬官廐養森成列可

憐凡馬爭神駿願視清高氣深穩借問苦心愛者誰後有韋諷前支遁憶昔巡幸新豐宮翠華拂天來向東騰驤磊落三萬疋皆與此圖筋骨同自從獻寶朝河宗無復射蛟江水中劉云四句沉着雅麗政在言外君不見金粟堆前松柏裏龍媒去盡鳥呼風劉云長篇意外痛險絕

丹青引贈曹將軍霸

將軍魏武之子孫於今為庶為清門劉云起語激昂慷慨少有及此

英雄割據雖已矣文采風流今尚存劉云接學書初

學衛夫人但恨無過王右軍丹青不知老將至富貴

於我如浮雲劉云尖兀四語能事志意畢竟往復浩蕩只在裏許又云自是筆意至此非思

唐詩三卷
致所及。謝無勉云此自然不做底語到及至處者也

開元之中常引見承恩數上南薰殿凌烟功臣少顏
色將軍下筆開生面良相頭上進賢冠猛將腰間大
羽箭褒公鄂公毛髮動英姿颯爽來酣戰先帝天馬
玉花驄畫工如山貌不同是日牽來赤墀下迥立闔

闔生長風劉云迥立詔謂將軍拂絹素意匠慘淡經

營中斯須九重真龍出一洗萬古凡馬空洪容齋五

獨步玉花却在御榻上榻上庭前屹相向至尊含笑

催錫金圍人大僕皆惆悵弟子韓幹早入室亦能畫

馬窮珠相幹惟畫肉不畫骨忍使驂騑氣凋喪劉云

將軍善畫蓋有神必逢佳士亦寫真劉云謂

漂泊干戈際屢貌尋常行路人途窮反遭俗眼白世

上未有如公貧但看古來盛名下終日坎壈纏其身

劉云首尾悲壯
動湯血比日名言

兵車行師古云此詩為唐玄宗用兵

車麟麟馬蕭蕭行人弓箭各在腰爺娘妻子走相送

塵埃不見咸陽橋牽衣頓足攔道哭哭聲直上干雲

霄道傍過者問行人行人但云點行頻或從十五北

防河便至四十四營田去時里正與裏頭歸來頭白

還戍邊邊庭流血成海水武皇開邊意未已君不見

漢家山東二百州千村萬落生荆杞縱有健婦把鋤
犁禾生隴畝無東西况復秦兵耐苦戰被驅不異犬
與雞長者雖有問役夫敢申恨且如今年冬未休閑
西卒縣官急索租租稅從何出信知生男惡反是生
女好生女猶得嫁比隣生男埋及隨百草君不見青
海頭古人白骨無人收新鬼煩冤舊鬼哭天陰雨濕
聲啾啾蔡寬夫詩話云齊梁以來文喜為樂府沿襲
既久往往失其命題之意雖李白亦不免此
唯少陵兵車行等篇皆因事自出已意立題畧無蹈襲
襲前人陳跡真所謂豪傑也

洗兵馬行公自注云
收京後作

中興諸將收山東捷書夜報清晝同河廣傳聞一葦

過胡兒命在破竹中。祇殘鄴城不日得。獨任朔方無
限功。京師皆騎汗血馬。面紇餽肉蒲萄宮。已喜皇威
清海岱。常思仙仗過崆峒。三年笛裏關山月。萬國兵
前草木風。劉云悲壯少及成王功大心轉小。郭相謀深古來
少。司徒清鑒懸明鏡。尚書氣與秋天杳。二三豪俊為
時出。整頓乾坤濟時了。東走無復憶鱸魚。南飛各有
安巢鳥。青春復隨冠冕入。紫禁正耐烟花繞。劉云有
氣象有 飄鶴駕通宵鳳輦。備鷄鳴問寢龍樓曉。攀龍舞鳳勢
莫當。天下盡化為侯王。汝等豈知蒙帝力。時來不得
誇身強。劉云事外句
外常有餘力 閔中既留蕭丞相。帳下復用張

子房張公一生江海客。身長九尺鬚眉蒼。徵起適遇風雲會。扶顛始知籌策長。青袍白馬更何有。後漢今周喜再昌。寸地尺天皆入貢。奇祥異瑞爭來送。不知何國致白環。復道諸山得銀甕。隱士休歌紫芝曲。詞人解撰清河頌。田家望望惜雨乾。布穀處處催春種。淇上健兒歸莫懶。城南思婦愁多夢。安得壯士挽天河。洗淨兵甲長不用。

劉云此篇對律甚嚴而春容醞藉

西清詩話云作詩者陶冶物情躰會光景必貴乎自得蓋格有高下才有分限不可強力致也譬之秦武易氣蓋全燕見秦王則戰懼失色淮南王安雖為神仙謁帝猶輕其舉止此豈在素習哉予以謂少陵太白當險阻艱難流離困躓意欲卑而語未嘗不高至於羅隱貫休輩得意於徧勸誇離遷

奇語欲高而意未嘗不卑乃知天稟自然有不能易也

追酬故高蜀州人日見寄

開文書帖中檢所遺忘。因得故高常侍適。往居在成都時。高任蜀州刺史。人日相憶見寄詩。淚洒行間。讀終篇末。自枉詩已十餘年。莫記存沒。又六七年矣。老病懷舊。生意可知。今海內忘形故人。獨漢中王瑀與昭州敬使君超。先在愛而不見。情見乎辭。大曆五年正月二十一日。却追酬高公此作。因寄王友敬弟。

自蒙蜀州人日作不意。清詩久零落。今晨散帙眼忽

開迸淚幽吟事如昨嗚呼壯士多慷慨合沓高名動
寥廓嘆我悽悽求友篇感時鬱鬱匡君畧錦里春光
空爛熳瑤墀侍臣已冥寞瀟湘水國旁鼉鼉郭社秋
天失雕鷲東西南北更堪論白首偏舟病獨存遙拱
北辰纏寇盜欲傾東海洗乾坤邊塞西蕃最充斥衣
冠南渡多崩奔鼓瑟至今悲帝子曳裾何處謁王門
文章曹植波瀾濶服食劉安德業尊長笛誰能亂愁
思昭州詞翰與招魂

七言古詩卷之四

唐詩品彙二十八

七言古詩卷之五

唐詩品彙二十九

明新寧高棟編出陽牛斗校刻

名家上

高適

行路難二首

長安少年不少錢能騎駿馬鳴金鞭五侯相逢大道
邊美人絃管爭留連黃金如斗不敢惜片言如山莫
棄捐安知憔悴讀書者暮宿靈臺私自憐

君不見富家翁舊時貧賤誰比數一朝金多結豪貴
百事勝人健如虎子孫成行滿眼前妻能管絃妾能

唐詩二十九卷
舞自矜一身忽如此却笑傍人獨愁苦東陵少年安
所如席門窮巷出無車有才不肯學干謁何用年年
空讀書

邯鄲少年行

邯鄲城南遊俠子自矜生長邯鄲裏千場縱博家仍
富幾處報讎身不死宅中歌笑日紛紛門外車馬如
雲屯未知肝膽向誰是令人却憶平原居殷云余所
最深愛者
君不見今日交態薄黃金用盡還踈索以茲感嘆辭
舊遊更於時事無所求且與少年飲美酒往來射獵
西山頭

古大梁行

城莽蒼饒荆棘驅馬荒城愁殺人魏王宮觀盡禾
黍信陵賓客隨灰塵憶昨雄都舊朝市軒車照耀歌
鍾起軍容帶甲三十萬國步連營五千里全盛須臾
那可論高臺曲池無復存遺墟但見狐狸迹古地空
餘草木根暮天搖落傷懷抱撫劍悲歌對秋草俠客
猶傳朱亥名行人尚識夷門道白壁黃金萬戶侯寶
刀駿馬填山丘年代淒涼不可問往來惟見水東流

燕歌行

開元二十六年客有從元戎出塞而還者作燕歌

行以示適感征戍之事因而和焉

漢家烟塵在東北漢將辭家破殘賊男兒本自重橫
行天子非常賜顏色縱金伐鼓下榆關旌旆逶迤碣
石間校尉羽書飛瀚海單于獵火照狼山山川蕭條
極邊土胡騎憑陵雜風雨戰士軍前半死生美人帳
下猶歌舞大漠窮秋塞草腓孤城落日鬪兵稀身當
恩遇常輕敵力盡關山未解圍鐵衣遠戍辛勤久王
筋應啼別離後少婦城南欲斷腸征人薊北空回首
邊庭颼颼那可度絕域蒼茫無所有殺氣三時作陣
雲寒聲一夜傳刁斗相看白刃雪紛紛死節從來豈

願動君不見沙場征戰苦至今猶憶李將軍

殷云甚有奇句

漁父歌

曲岸深潭一山叟駐眼看釣不移手世人欲得知姓
名良久問他不開口箬皮笠子荷葉衣心無所營守
釣磯料得孤舟無定止日暮持竿何處歸

九月九日酬顏少府

簷前白日應可惜籬上黃花為誰有行子迎霜未授
衣主人得錢始沽酒蘇秦憔悴人多厭蔡澤棲遲世
看醜縱使登高只斷腸不如獨坐空搔首

送別

昨夜離心正鬱陶三更白露西風高螢飛木落何浙
瀝此時夢見西歸客曙鍾窠亮三四聲東隣嘶馬使
人驚攬衣出戶一相送惟見歸雲縱復橫

別李景參

離心忽悵然策馬對秋天孟諸薄莫涼風起歸客相
逢度睢水昨時携手已十年今日分途各千里歲物
蕭條滿路岐此行浩蕩令人悲家貧羨爾有微祿欲
往從之何所之

送田少府貶蒼梧

沉吟對遷客惆悵西南天昔為一宮未得意今向萬

里令人憐念茲斗酒成睽間停舟嘆君日將晏遠樹
應連北地春行人却羨南歸鴈丈夫窮達未可知看
君不合長數竒江山到處堪乘興楊柳青青那足悲

崔司錄宅宴大理李卿

多雨殊未已秋雲更沉沉洛陽故人初解印山東小
吏來相尋上卿才大名不朽早求至尊莫求友豁達
常推海內賢殷勤但酌樽中酒飲醉欲言歸門
前駟馬光照衣路傍觀者徒唧唧我公不以為是非

贈別晉三處士

有人家佳清河源渡河問我遊梁園手持道經注已

畢心知內篇口不言盧門十年見秋草此心惆悵誰
能道知己從來不易知慕君為人與君好別時九月
乘葉踈出門千里無行車愛君且欲君先達今上求
賢早上書

賦得還山吟送沈四山人

還山吟天高日暮寒山深送君還山識君心人生老
大須恣意看君辭作一生事山間偃仰無不至石泉
淙淙若風雨桂花松子常滿地賣藥囊中應有錢還
山服藥又長年白雲勸盡杯中物明月相隨何處眠
眠時憶問醒時事夢魂可以相周旋

送蔡山人

東山布衣明古今自言獨未逢知音識者閱見一生
事到處豁然千里心看書學劍長辛止近日方思謁
明主斗酒相留醉復醒悲歌數年淚如雨丈夫遭遇
不可知買臣主父皆如斯我今蹭蹬無所似看爾崩
騰何苦為

人日寄杜二拾遺

人日題詩竒草堂遙憐故人思故鄉柳條弄色不忍
見梅花滿枝空斷腸身在南蕃無所預心懷百憂復
千慮今年人日空相憶明年人日知何處一卧東山

三十春豈知書劍老風塵龍鍾還忝二千石愧尔東西南北人

寄宿田家

田家老翁佳東坡說道平生隱在茲髮白未曾記日月山青每到識春時門前種柳深成巷墅谷流泉添入池牛壯日畊十畝地人閑常掃一茆茨客來滿酌清樽酒感興平吟才子詩巖際窟中藏鼯鼠潭邊竹裏隱鷓鴣村墟日落行人少醉後無心怯路岐今夜只應還寄宿明朝拂曙與君辭

封丘縣

我本漁樵孟諸野一生自是悠悠者乍可狂歌草澤中寧堪作吏風塵下祗言小邑無所為公門百事皆有期拜迎官長心欲碎鞭撻黎庶令人悲悲來向家問妻子舉家盡嘯今如此生事應須南畝田世情付與東流水夢想舊山安在哉為銜君命日遲迴乃知梅福徒為爾轉憶陶潛歸去來

別常參軍

二十解書劍西遊長安城舉頭望君門屈指取公卿國風冲融邁三五朝廷禮樂彌寰宇白璧皆言賜近臣布衣不得干明主歸來洛陽無負郭東過梁宋非

吾土兔苑為農歲不登鴈池垂釣心長苦世人向我
同衆人唯君於我最相親且喜百年見交態未嘗一
日辭家貧彈碁擊筑白日晚縱酒高歌楊柳春歡娛
未盡分散去使我惆悵驚心神丈夫不作兒女別臨
岐涕淚沾衣巾

送渾將軍出塞

將軍族貴兵且強漢家已是渾耶王子孫相承在朝
野至今部曲燕支下控弦盡用陰山兒登陣常騎大
宛馬銀鞍玉勒繡螭弧每逐嫖姚破骨都李廣從來
先將士衛青未肯學孫吳傳有沙場千萬騎昨日邊
塞羽書至城頭盡角二四聲匣裏寶刀晝夜鳴意氣
能甘萬里去辛勤動作一年行黃雲白草無前後朝
建旌旗夕刀斗塞下應多俠少年關西不見春楊柳
從軍借問所從誰擊劍酣歌當此時遠別無輕繞朝
策平戎早寄仲宣詩

岑參

蜀葵花歌

昨日一花開今日一花開今日花正好昨日花已老
人生不得恒少年莫惜床頭沽酒錢請君有錢向酒
家君不見蜀葵花

登古鄴城

下馬登鄴城城空復何見東風吹野火暮入飛雲殿
城隅南對望陵臺漳水東流不復回武帝宮中人去
盡年年春色為誰來

贈酒泉韓太守

太守有能政遙聞如古人俸錢盡供客家計常清貧
酒泉西望玉關道千山萬蹟皆白草辭君走馬歸長
安憶君倏忽令人老

韋員外家花對歌

今年花似去年好去年人到今年老始知人老不知

花可惜落花君莫掃君家兄弟不可當列卿御史尚
書郎朝回花底恒會客花撲玉缸春酒香

題匡城周少府廳壁

婦姑城南風雨秋婦姑城中人獨愁愁雲遮却望鄉
處數日不上西南樓故人薄暮公事閑玉壺美酒琬
珀盤頽易秋草今黃盡醉卧君家猶未還

偃師東與韓尊同訪景雲暉上人即事

山陰老僧解楞伽頽易歸客遠相過烟深草濕昨夜
雨雨後秋風度漕河空山終日塵事少平郊遠見行
人小尚書蹟上黃昏鍾別駕渡頭一歸鳥

邯鄲客舍歌

客從長安來驅馬邯鄲道傷心叢臺下一旦生蔓草
客舍門臨漳水邊垂楊下繫釣魚船邯鄲女兒夜沽
酒對客挑燈誇數錢酪酏醉時日正午一曲狂歌壚
上眠

漁父

扁舟滄浪叟心與滄浪清不自道鄉里無人知姓名
朝從灘上飯暮向蘆中宿歌竟遠復歌手持一竿竹
竿頭釣絲長丈餘鼓拽乘流無定居世人那得識深
意此翁取適非取魚

送宇文南金放後歸大原寓居因呈大原

郝主簿

歸去不得意北京關路賒却投晉山老愁見汾陰花
翻作霸陵客憐君丞相家夜眠旅舍雨曉醉春城鴉
送君繫馬青門口胡姬壚頭勸君酒為問大原賢主
人春來更有新詩否

喜韓尊相過

三月灞陵春已老故人相逢耐醉倒甕頭春酒黃花
脂綠米只充酤酒資長安城中足年少獨共韓侯開
口嘯桃花點地紅斑斑有酒留君且莫還與君兄弟

唐詩二十九卷
日携手世上虛名好是閒

梁州館中與諸判官夜集

彎彎月出挂城頭城頭月出照梁州
梁州七里十萬家胡人半解彈琵琶
琵琶一曲腸堪斷風蕭蕭兮夜漫漫
河西幕中多故人故人別來三四春
花門樓前見秋草豈能貧賤相看老
一生大嘯能幾回斗酒相逢須醉倒

笑

臨河客舍呈狄明府兄留題縣南樓

鳳陽城南雪正飛黎陽渡頭人未歸
河邊酒家堪寄宿主人小女能縫衣
故人高卧黎陽縣一別三年不

如江色中雨雪偏着時隔河東郡人遙羨鄴都兒
見古時丘漳水還如舊日流城上望鄉應不見朝來好
是懶登樓

燉煌太守後亭歌

燉煌太守才且賢郡中無事高枕眠
太守到來山出泉苗沙磧裏人種田
燉煌看舊髮皤然願留太守更五年
城頭月出星滿天曲房置酒張錦筵
美人紅粧色正鮮側垂高髻插金鈿
醉坐藏鈎紅燭前不知鈎在若箇邊
為君手把珊瑚鞭射得半沒黃金錢
此中樂事亦已偏

秦箏歌送外甥蕭正歸京

汝不聞秦箏聲寂若五色纏絃十二柱
怨調慢聲如欲語一曲未終日移午
紅亭水木不知暑忽彈黃鍾和白紵
清風颯來雲不去聞之酒醒淚如雨
汝歸秦兮彈秦聲秦聲悲兮聊送汝

胡笳歌送顏真卿使赴河隴

君不聞胡笳聲寂悲紫髯綠眼胡人吹
吹之一曲猶未了愁殺樓蘭征戍兒
涼秋八月蕭關道北風吹斷天山草
崑崙山南月欲斜胡人向月吹胡笳
胡笳怨兮將送君秦山遥迤隴山雲
邊城夜夜多秋夢向月

胡笳誰喜聞

西亭子送李司馬

高高亭子郡城西直上千尺與雲齊
盤嵒綠壁試攀躋群山向下飛鳥低
使君五馬天半嘶絲繩玉壺為君提
坐來一望無端倪紅花綠柳鶯亂啼
千家萬井連回溪酒行未醉聞暮雞
點筆操紙為君題為君題惜解携艸
萋萋沒馬蹄

函谷關歌送劉評事使關西

君不見函谷關崩城毀壁至今在
樹根草蔓遮古道空谷千年長不改
寂寞無人空舊山聖朝無事不須

關白馬公孫何處去青牛老人更不還蒼苔白骨空
蒲地月與古時長相似野花不省見行人山鳥何曾
識關吏故人方乘使者車吾知郭丹却不如請君時
億關外客行到關西多致書

天山雪歌送蕭治歸京

天山雪雲常不開千峯萬嶺雪崔嵬北風夜卷赤亭
口一夜天山雪更厚能兼漢月照銀山復逐胡風過
鐵關交河城邊鳥飛絕輪臺路上馬蹄滑晝靄寒氛
萬里疑闌干陰崖千丈冰將軍狐裘卧不暖都護寶
刀凍欲斷正是天山雪下時送君走馬歸京師雪中
何以贈君別唯有青青松樹枝

走馬川行奉送封大夫出師西征

君不見走馬川行雪海邊平沙莽莽黃入天輪臺九
月風夜吼一川碎石大如斗隨風蒲地石亂走匈奴
草黃馬正肥金山西見烟塵飛漢家大將西出師將
軍金甲夜不脫半夜軍行戈相撥風頭如刀面如割
馬毛帶雪汗氣蒸五花連錢旋作冰幕中草檄硯水
凝虜騎聞之應膽懾料知短兵不敢接軍師西門佇
獻捷

輪臺歌奉送封大夫出師西征

唐詩二十九卷
輪臺城頭夜吹角。輪臺城北旄頭落。羽書昨夜過渠
黎。單于已在金城西。戍樓西望烟塵黑。漢兵屯在輪
臺北。上將擁旄西出征。平明吹笛大軍行。四邊伐鼓
雪海湧。三軍大呼陰山動。虜塞兵氣連雲屯。戰場白
骨纏草根。劍河風急雲片闊。沙口石凍馬蹄脫。亞相
勤王甘苦辛。誓將報主靜邊塵。古來青史誰不見。今
見功名勝古人。

白雲歌送武判官歸

北風卷地白草折。胡天八月即飛雪。忽如一夜春風
來。千樹萬樹梨花開。散入珠簾濕羅幕。狐裘不暖錦

裘薄。將軍角弓不得控。都護鐵衣難着。瀚海闌干
百丈冰。愁雲慘淡萬里凝。中軍置酒飲歸客。胡琴琵琶
與羌笛。紛紛暮雪下。鞞門風掣紅旗凍。不翻輪臺
東門送君去。去時雪滿天山路。山迴路轉不見君。雪
上空留馬行處。

青門歌送東臺張判官

青門金鎖平旦開。城頭日出使車回。青門柳枝正堪
折。路傍一日幾人別。東出青門路不窮。驛樓官樹灞
陵東。花撲征衣看似繡。雲隨去馬色疑騶。胡姬酒壚
日未午。絲繩玉缸酒如乳。灞頭落花沒馬蹄。昨夜微

雨花成泥黃鸝翅濕飛屢低閔東尺書醉懶題須臾
望君不可見揚鞭飛鞚疾如箭借問使乎何時來莫
作東飛伯勞西飛燕

梁園歌送河南王說判官

君不見梁孝王脩竹園頽墻隱麟勢仍存嬌娥慢臉
成草蔓羅帷珠簾空竹根大梁一旦人代改秋月春
風不相待池中幾度鴈新來洲上千年鶴應在梁園中有
鶴池梁園二月梨花飛却似梁王雪下時當時置酒
延枚叟肯料平臺狐兔走萬事翻覆如浮雲昔人空
在今人口單父古來稱必生祗今為政有吾兄家兄
時宰

父輜軒若過梁園道應傍堦臺聞政聲

太白胡僧歌并序

太白中峯絕頂有胡僧不知幾百歲眉長數寸身
不製繒帛衣以草葉恒持楞伽經雲壁迥絕人迹
罕到嘗東峯有鬪疴弱者將死僧杖而解之西湫
有毒龍乂而為患僧噐而貯之商山趙叟前年採
茯苓深入太白偶值此僧訪我而說余嘗有獨往
之意聞而悅之乃為歌曰

聞有胡僧在太白蘭若去天三百尺一持楞伽入中
峰世人難見但聞鍾牕邊錫杖解兩虎床下鉢孟藏

一龍草衣不針復不線兩耳垂肩覆面此僧年幾
那得知手種青松今十圍心將流水同清淨身與浮
雲無是非商山老人已曾識願一見之何由得山中
有僧人不識城裏看山空黛色

范公叢竹歌

并序

職方郎中兼侍御史范公迺於陝西使院內種竹
新製叢竹歌以見示美范公之清致雅操遂為歌
以和之

世人見竹不解愛知君種竹庭府內此君托根幸得
地種來幾時聞已大盛夏脩脩叢色寒閑宵撼撼葉
聲乾能清案牘簾下見宜對琴書牕外看為君成陰
將蔽日迸筍穿階踏還出守節偏凌御史霜虛心願
比郎官筆君莫愛南山松樹枝竹色四時也不移寒
天草木黃落盡猶自青青君始知

裴將軍宅蘆管歌

遼東九月蘆葉斷遼東小兒採蘆管可憐管新清且
悲一曲風飄海頭滿海樹蕭索天雨霜管聲寥亮月
蒼蒼白狼河北堪愁恨玄兔城南皆斷腸遼東將軍
長安宅美人蘆管會佳客弄調蕭颺勝洞簫發聲窈
窕欺橫笛夜半高堂客未回秬將蘆管送君孟巧能

陌上驚楊柳復向園中誤落梅諸客愛之聽未足高
卷珠簾列紅燭將軍醉舞不肯休更使美人吹一曲

衛節度赤驃馬歌

君家赤驃畫不得一團旋風桃花色紅纓紫韁珊瑚
鞭玉鞍錦韉黃金勒請君鞞出看君騎尾長窄地如
紅絲自矜諸馬皆不及却憶百金初買時香街紫陌
鳳城內滿城見者誰不愛揚鞭驟急白汗流弄影行
驕碧蹄碎紫髯胡雛金剪刀平明剪出三駿高擡上
看時獨意氣衆中牽出偏雄豪騎將獵向南山口城
南狐兔不復有草頭一點疾如飛却使蒼鷹翻向後

憶中看君朝未央鳴珂擁蓋滿路香始知邊將直富
貴可憐人馬相輝光男兒稱意得如此駿馬長鳴北
風起待君東去掃胡塵為君一日行千里

送魏升鄉擢第歸東都因懷魏校書陸渾
喬潭

井上梧桐雨灞亭卷秋風故人適戰勝匹馬歸山東
問君今年三十幾能使香名滿人耳君不見三峯直
上五千仞見君文章亦如此如君兄弟天下稀雄訶
健筆皆若飛將軍金印鞞紫綬御史錢冠重繡衣高
生作尉別來久因君為問平安否魏侯校理復何如

前日人來不得書陸渾山水佳可賞蓬閣閑時日應
往自料青雲未有期誰知白髮偏能長壚頭青絲白
玉瓶別時相顧酒如傾搖鞭舉袂忽不見千樹萬樹
空蟬鳴

送費子歸武昌

漢陽歸客悲秋草旅舍葉飛愁不掃秋來倍憶武昌
魚夢着祇在巴陵道曾隨上將過祁連離家十年常
在邊劔鋒可惜虛用盡馬蹄無事今已穿知君開館
恒愛客樗蒲百金每一擲平生有錢將與人江上故
園空四壁吾觀費子毛骨竒廣眉大口仍赤鬚看君

天路尚如此人生貴賤那得知高秋八月歸南楚東
門一壺聊出祖路指鳳凰山北雲衣沾鸚鵡洲邊雨
勿嘆蹉跎白髮新應須守道勿羞貧男兒何心戀妻
子莫向江村老却人

與獨孤漸道別長句兼呈嚴八侍郎

輪臺客舍春草滿潁陽歸客腸堪斷窮荒絕漠鳥不
飛萬蹟千山夢猶懶憐君白面一書生讀書千卷未
成名五侯建門脚不到數畝山田身自畊興來浪迹
無遠近及至辭家憶鄉信無事垂鞭信馬頭西南幾
欲窮天畫奉使三年獨未歸邊頭詞客舊來稀借問

君來得幾日到家不覺換春衣高齋清晝卷羅幕紗
帽接離慵不着中酒朝眠日色高彈棋夜半燈花落
水片高堆金錯盤高堂凜凜五月寒桂林蒲桃新吐
蔓武城刻蜜未可餐軍中置酒夜搗鼓錦筵紅燭月
未午花門將軍善胡歌
河蕃王能漢語知爾園林
感江濱夫人堂上泣羅裙魚龍川北磐溪雨鳥鼠山
西滙水雲臺中嚴公於我厚別後新詩滿人口自憐
棄置天西頭因君為問相思否

七言古詩卷之五

唐詩品果二十九

七言古詩卷之六

唐詩品果二十

明齋高棟編集陽生校刻

名家下

李頎

古意

男兒事長征少小幽燕客賭勝馬蹄下由來輕七尺
殺人莫敢前鬚如蝟毛磔黃雲隴底白雪飛未得報
恩不能歸遼東小婦年十五慣彈琵琶解歌舞今為
羌笛出塞聲使我三軍淚如雨

鮫人歌

鮫人潛織水底居側身上下隨遊魚輕綃文綵不可
織夜夜澄波連月色有時寄宿來城市海島青冥無
極已泣珠報恩君莫辭今年相見明年期始知萬族
無不有百尺深泉架戶牖鳥沒空山誰復望一望雲
濤堪白首

古從軍行

白首登山望烽火黃昏飲馬傍交河行人刀斗風沙
暗公主琵琶幽怨多野雲萬里無城郭雨雪紛紛連
大漠胡鴈哀鳴夜夜飛胡兒眼淚雙雙落聞道玉門
猶被遮應將性命逐輕車年年戰骨埋荒外空見蒲

桃人數家

古行路難

漢家名臣楊德祖四代五公享茅土父子兄弟綰銀
黃躍馬鳴珂朝建章火浣單衣繡方領茱萸錦帶玉
盤囊賓客填街復滿座片言出口生輝光世人逐勢
爭奔走瀝膽隳肝惟恐後當時一願登青雲自謂生
死長隨君一朝謝病還鄉里窮巷蒼苔絕知己秋風
落葉閉重門昨日論交竟誰是薄俗嗟嗟難重陳深
山麋鹿可為隣魯連所以蹈東海古往今來稱達人

緩歌行

唐詩三十卷
小來託身攀貴游，傾財破產無所憂。莫擬經過石渠署，朝將出入銅龍樓。結交杜陵輕薄子，謂言可生復可死。一沉一浮會有時，棄我翻然如脫屣。男兒立身須自強，十年閉戶潁水陽。業就功成見明主，擊鍾鼎食坐華堂。二八蛾眉梳墮馬，美酒清歌曲房下。文昌宮中賜錦衣，長安陌上退朝歸。五陵賓從莫敢視，三省官僚揖者稀。早知今日讀書是，悔作從來狂俠非。

王母歌

武皇齋戒承華殿，端拱須臾王母見。霓旌照耀麒麟車，羽蓋淋漓孔雀扇。手指玄梨遣帝食，可以長生臨

寓縣頭上復戴九星冠，總領玉童坐南面。欲聞要言今告汝，帝乃焚香請此語。若能鍊魄去三尸，後當見我天皇所。顧謂侍女黃雙成，酒闌可奏雲和笙。紅霞白日儼不動，七龍五鳳紛相迎。惜哉志驕神不悅，歎息馬蹄與車轍。復道歌鍾杳，將暮深宮桃李飛。成雲為看青玉五枝燈，蟠螭吐火光已絕。

送劉昱

八月寒葦花，秋江浪頭白。北風吹五兩，誰是潯陽客。鸕鷀山頭宿，雨晴楊州郭。裏暮潮生，行人夜宿金陵渚。試聽沙邊有鴈聲。

送從弟遊江淮兼謁鄱陽劉太守

都門柳色朝朝新
念爾今為江上人
穆陵關帶清風
遠彭蠡湖邊
芳艸春泊舟
借問西林寺
曉聽鐘聲在
山翠潯陽北
望鴻鴈回
溢水東流
客心醉須知
聖代舉賢良
不使遺才滯
一方應見鄱陽虎
符守思歸兵
指白雲鄉

夏宴張兵曹東堂

重林華屋堪避暑
况乃烹鮮會佳客
主人三十朝大夫
滿座森然見矛戟
北窓卧簟蓮心花
竹裏蟬鳴西日斜
羽扇搖風却珠汗
玉盆貯水割甘瓜
雲峰峨峨自冰雪
坐對芳尊不知熱
醉來但挂葛巾眠
莫道明朝有離別

崔五六圖屏風各賦一物得烏孫佩刀

烏孫腰間佩兩刀
刃可吹毛錦為帶
握中枕宿穹廬室
馬上割飛翳
螭塞執之魍魎
誰能前氣凜清風
沙漠邊磨用陰山
一片玉洗將胡地
獨流泉主人屏風
寫竒狀鐵銷金環
儼相向回頭瞪目
時一看使予心在江湖上

愛敬寺古藤歌

古藤池水盤樹根
左攫右拏龍虎蹲
橫空直上相陵

突半茸離纒若無骨風雷霹靂連黑枝人言其下截
妖魑空庭落葉乍開合十月苦寒常倒垂憶昨花飛
滿空殿密葉吹香飯僧遍南階雙桐一百尺相與年
年老霜霰

欲之新鄉答崔顥綦毋潛

數年作吏家屢空誰道黑頭成老翁男兒在世無產
業行子出門如轉蓬吾屬交歡此何夕南家擣衣動
婦客銅鑪將炙相歡飲星宿縱橫露華白寒風卷葉
度滹沱飛雪布地悲峨峨孤城日落見棲鳥馬上特
聞漁者歌明朝東路把君手膺日辭君期歲首自知

寂寞無去思敢望縣人致牛酒

送康洽入京進樂府歌

識子十年何不遇只愛歡游兩京路朝吟左氏嬌女
篇夜誦相如美人賦長安春物舊相宜小苑蒲萄花
滿枝柳色偏濃九華殿鶯聲醉殺五陵兒曳裾此夜
從何所中貴由來畫相許白袂春衫仙吏贈烏皮隱
机臺郎與新詩樂府唱堪愁御妓應傳鳩鵲樓西上
雖因長公主終須一見曲陵侯

送劉十

三十不官亦不娶時人焉識道高下房中惟有老氏

唐詩三十卷 五 意頁九一
經櫪上空餘少存馬往來嵩華與函秦放歌一曲前
山春西林獨鶴引閑步南澗飛泉清角巾前年上書
不得意歸卧東山兀然醉諸兄相繼掌青史第五之
名齊驃騎烹葵摘果告我行落日夏雲縱復橫聞道
謝安掩口笑知君不免為蒼生

送陳章甫

四月南風大麥黃棗花未落桐葉長青山朝別暮還
見嘶馬出門思舊鄉陳侯立身何坦蕩虬鬚虎眉仍
大顙腹中貯書一萬卷不肯低頭在草莽東門酤酒
飲我曹心輕萬事如鴻毛醉卧不知白日暮有時空
望孤雲高長河浪頭連天黑津吏停舟渡不得冀國
游人未及家洛陽行子空歎息聞道故林相識多罷
官昨日今如何

放歌行答從弟異卿

小來好文耻學武世上功名不解取雖沾寸祿已後
時徒欲出身事明主栢梁賦詩不及宴長楸走馬誰
相數歛迹俛眉心自甘高歌擊節聲半苦由是蹉跎
一老夫養鷄牧豕東城隅空歌漢代蕭相國肯事霍
家馮子都徒爾當年聲籍籍濫作詞林兩京客故人
斗酒安陵橋黃鳥春風洛陽陌吾家令弟才不羈五

言破的人共推興來逸起如濤湧千里長江歸海時
別離短景何蕭索佳句相思能間作舉頭遙望魯陽
山木葉紛紛向人落

別劉錕

梁生個儻心不羈途窮氣益長安兒回頭轉盼侶鷗
鷗有志飛鳴人豈知雖云四十無祿位曾與大軍掌
書記抗辭請刃誅部曲作色論兵犯二帥一言不合
龍額侯擊劍拂衣從此棄朝朝飲酒黃公壚脫帽露
頂爭叫呼庭中犢鼻昔常掛懷裏琅玕今在無時人
見子多落魄共咲狂歌非遠圖忽然遣躍紫騮馬還

是昂藏一丈夫洛陽城頭曉霜白層冰峨峨蒲川澤
但聞行路吟新詩不嘆舉家無儋石莫言貧賤長可
欺覆篲成山當有時莫言富貴長可託木槿朝看暮
還落不見古時塞上翁倚伏由來任天作去去滄波
勿復陳五湖三江愁殺人

聽董大彈胡笳兼寄語弄房給事

按唐史董庭蘭

善鼓琴為房瑄門客天寶五載瑄攝給事中此詩疑贈庭蘭而兼寄次律之作也

蔡女昔造胡笳聲一彈一十有八拍胡人落淚沾邊
草漢使斷腸對歸客古戍蒼蒼烽火寒大荒陰沉飛

雪白先拂商絃後角羽四郊秋葉驚撼撼董夫子通
神明深松竊聽來妖精言遲更速皆應手將往復旋
如有情空山百鳥散還合萬里浮雲陰且晴嘶酸雛
鴈失群夜斷絕胡兒戀母聲川為淨其波鳥亦罷其
鳴鳥珠部落家鄉遠邏婆沙塵哀怨生幽音變調忽
飄洒長風吹林雨墮瓦迸泉颯颯飛木末野鹿呦呦
走堂下殷云足可欬長安城連東掖垣鳳凰池對青
瑣門高才脫畧名與利日夕望君抱琴至

王維

魚山神女祠歌

離騷作魚山迎
送神曲二首

坎坎擊鼓魚山之下吹洞簫望極浦女巫進紛屢舞
陳璫席湛清酤風萋萋兮夜雨神之來兮不來使我
心兮苦復苦

右迎神曲

紛進拜兮堂前日眷眷兮瓊筵來不語兮意不傳作
暮雨兮愁空山悲急管兮繁絃靈之駕兮儼欲旋條
雲收兮雨歇山青青兮水潄潄

右送神曲

送友人歸山歌

離騷作
山中人

山寂寂兮無人又蒼蒼兮多木群龍兮滿朝君何為
兮空谷文寡和兮思深道難知兮行獸恍石上兮流
泉與松間兮草屋入雲中兮養雞上山頭兮抱犢神

與棗兮如瓜虎賣杏兮收穀愧不才兮妨賢媿既老
兮貪祿擔解印兮相從何處丹兮可卜劉云不用楚調自造目前

詞少而意多尚覺盤谷歌意為凡

山中人兮欲歸雲冥冥兮雨霏霏水驚波兮管靡白
鷺忽兮翻翻飛君不可兮寒衣山萬重兮一雲混天
地兮不分樹晦曖兮氛氳俱不見兮空聞忽山西兮
夕陽見東臯兮遠村平蕪絲兮千里眇惆悵兮思君

宋王之下淵明之上甚似晉人不知者以為氣短知者以為琴操之餘音也

登樓歌

聊上君兮高樓飛薨鱗次兮在下俯十二兮通衢綠

差兮車馬却瞻兮龍首前眺兮宜春王畿爵兮
千里山河壯兮咸泰舍人下兮青宮據胡朱兮書空
執戟疲兮於下位老夫好隱兮墻東亦幸有張伯英
草聖兮龍騰虬躍擺長雲兮挾回風琥珀酒兮雕胡
飯君不御兮日將晚秋風兮吹衣夕鳥兮爭返孤砧
發兮東城林薄暮兮蟬聲遠時不可兮再得君何為
兮偃蹇

隴頭吟

長城少年游俠客夜上戍樓看太白隴頭明月尚臨
關隴上行人夜吹笛關西老將不勝愁駐馬聽之雙

或作連

淚流曾經大小百餘戰麾下偏裨萬戶侯蘇武絕為
典屬國節旄空落海西頭劉云次第轉折恨惋何限又非長篇所及

夷門歌

七國雄雌猶未分攻城殺將何紛紛秦兵益圍邯鄲
急魏王不救平原君公子為嬴停駟馬執轡逾恭意
逾下亥為屠肆鼓刀人嬴乃夷門抱關者非但慷慨
獻奇謀意氣兼將身命酬向風刎頭送公子七十老
翁何所求

洛陽女兒行

時年十八

洛陽女兒對門居絕可顏容十五餘良人玉勒乘驄

馬侍女金盤贈鯉魚畫角朱樓盡相望紅桃綠柳垂
簷向羅帷送上七香車寶扇迎歸九華帳狂夫富貴
在青春意氣驕奢劇季倫自憐碧玉親教舞不惜珊
瑚持與人春窓曙滅九微火九微片片飛花璪戲罷
曾無理曲時粧成祗是薰香坐城中相識盡繁華日
夜經過趙李家將憐越女顏如玉貧賤江頭自浣紗

燕支行

漢家天將才且雄來時謁帝明光宮萬乘親推雙闕
下千官出餞五陵東誓辭甲第金門裏身作長城王
塞中衛霍繞堪一騎將朝廷不數二師功趙魏燕韓

多勁卒。關西俠少。何咆嘯報讎。只是聞嘗膽。飲酒不
曾妨。刮骨盡戟。雕戈白日寒。連旗大旆。黃塵沒疊鼓。
遙翻瀚海波。鳴笳亂動天山月。麒麟錦帶佩吳鉤。颯
踏青騮躍紫駟。拔劍已斷天驕臂。歸鞍共飲月支頭。
漢兵大呼一當百。虜騎相看哭且愁。教戰須令赴湯
火。終知上將先伐謀。

三老将行

少年十五二十時。步行奪取胡馬騎。射殺山中白額
虎。肯數鄴下黃鬚兒。一身轉戰三千里。一劍曾當百
萬師。漢兵奮迅如霹靂。虜騎崩騰畏疾藜。衛青不敗

莊子陸注。析者。障極之析。二人觀
於墟。卷之間。意相析。後有障
極之析。出于左手。析肘。怒不祥之
徵。殆將死矣。

李廣利征死。到疏勒城軍
無水。拔刀刺山。泉水湧出。以
為神助。
莊子曰。支離叔觀于真伯
之丘。崑崙之墟。黃帝之所休
俄而柳生其左肘。

由天幸。李廣無功。緣數奇。自從棄置便衰朽。世事差
跼成白首。昔時飛箭無全目。今日垂楊生左肘。路傍
時賣故侯瓜。門前學種先生柳。蒼茫古木連窮巷。寥
落寒山對虛牖。劉云愈誓令踈勒出飛泉。不似潁川
空使酒。賀蘭山下陣如雲。羽檄交馳日夕聞。節使山
河募年少。詔書五道出將軍。試拂鍔衣如雪色。聊持
寶劍動星文。願得燕弓射天將。敢令越甲鳴吳軍。莫
嫌舊日雲中守。猶堪一戰立功勳。劉云蒲篇風致收
拾處常嫩而短使

人情事欲絕又云起
結驕嫩復勝老語

桃源行時年十九

漁舟逐水愛山春兩岸桃花夾去津坐看紅樹不知
遠行盡清溪不見人山口潛行始隈隩山開曠望旋
平陸遙看一處攢雲樹近入千家散花竹樵客初傳
漢姓名居人未改秦衣服居人共住武陵源還從物
外起田園月明松下房櫳靜日出雲中鷄犬喧驚聞
俗客爭來集競引還家問都邑平明閭巷掃花開薄
暮漁樵乘水入初因避地去人間更問成仙遂不還
峽裏誰知有人事世中遙望空雲山不疑靈境難聞
見塵心未盡思鄉縣出洞無論隔山水辭家終擬長
游衍自謂經過舊不迷安知峯壑今來變當時只記
入山深青溪幾度到雲林春來遍是桃花水不辨仙
源何處尋

望終南贈徐中書

晚下兮紫微悵塵事兮多違駐馬兮雙樹望青山兮
不歸

答張五弟

終南有茅屋前對終南山終年無客長閉閤終日無
心長自閑不妨飲酒復垂釣君但能來相往還

寄崇梵僧

崇梵僧崇梵僧秋歸覆金春不還落花啼鳥紛紛亂

澗戶山窓寂寂閑峽裏誰知有人事郡中遙望空雲山

寒食城東即事

清溪一道穿桃李演漾綠蒲涵白芷溪上人家凡幾家
落花半落東流水蹴踘屢過飛鳥下鞦韆競出垂楊裏
少年分日作遨游不用清明兼上巳

劉云自是活動

同崔傳谷賢弟

洛陽才子姑蘇客杜宛殊非故鄉陌九江楓樹幾回青
一片揚州五湖白揚州時有下江兵蘭陵鎮前吹笛聲
夜火人歸富春郭秋風鶴唳石頭城周郎陸弟

為儔侶對舞前溪歌白紵曲几書留小吏家草堂暮
賭山陰墅衣冠若話外臺臣先數夫君席上玳更聞
臺閣求三語遙想風流第一人

送李睢陽

將置酒思悲翁使君去出城東麥漸漸雉子斑槐陰
陰到潼關騎連連車遲遲心中悲宋又遠周間之南
淮夷東齊兒碎碎織練與素絲遊人賈客信難持五
穀前熟方可為下車閉閣君當思天子當歟儼衣裳
大官尚食陳羽觴彤庭散綬垂明璫黃紙詔書出東
廂輕紉疊綺爛生光宗室子弟君家賢分憂當為百

辟先布衣一言相為死何況聖主恩如天鸞聲噦噦
魯侯旗明年上計朝京師須憶今日斗酒別慎勿富
貴忘我為

崔顥

七夕詞

長安城中月如練家家此夜持針線仙裙玉佩空自
知天上人間不相見長信深陰夜轉幽玉階金閣數
螢流斑姬此夕愁無限河漢三更看斗牛

鴈門胡人歌

高山代郡東接燕鴈門胡人家近邊解放胡鷹逐塞

鳥能騎代馬獵秋田山頭野火寒多燒雨裡孤峰濕
作烟聞道遼西無鬪戰時時醉向酒家眠

長安道

河岳英靈作
霍將軍篇

長安甲第高入雲誰家居住霍將軍日晚朝回擁寶
從路傍拜揖何紛紛莫言執手手可熱須臾火盡灰
亦滅莫言貧賤即可欺人生富貴自有時一朝天子
賜顏色世事悠悠應始知

孟門行

黃雀啣黃花翩翩傍簷隙本擬報君恩如何反彈射
金罍美酒滿座春平原愛才多眾賓滿堂盡是忠義

士何意得有絕諛人諛言反復那可道能令君心不
自保北園新栽桃李枝根株未固何轉移成陰結實
君自取若問傍人那得知

代閨人答輕薄少年

妾家近隔鳳凰池粉壁紗窓楊柳垂本期漢代金吾
婿誤嫁長安遊俠兒兒家夫婿多輕薄借客探九重
然諾平明挾彈入新豐日晚揮鞭出長樂青絲白馬
冶遊園能使行人駐馬看自矜陌上繁華盛不念閨
中花鳥闌花間陌上春將晚走馬鬪鷄猶未返二時
出望無消息一去那知行近遠桃李花開覆井桐

樓落日捲簾看愁來欲奏相思曲抱得秦箏不忍彈

行路難

君不見建章宮裏金明枝萬萬長條拂地垂二月三
月花如霰九重深幽君不見艷彩朝含四寶宮香風
吹入朝雲殿漢家宮女春未闌愛此芳春朝暮看來
看去看心不忘攀折將安鏡臺上雙雙素手剪不成
兩兩紅粧咲相向建章昨夜起春風一花飛入長信
宮長信麗人見花泣憶此玕樹何嗟及我昔初在昭
陽時朝攀暮折登玉墀只言歲歲長相對不悟今朝
遙相思

渭城少年行

洛陽二月梨花飛。秦地行人初憶歸。揚鞭走馬城南陌。朝逢驛使秦川客。驛使前日發章臺。傳道長安春早來。棠梨宮中燕初至。蒲萄館裏花正開。念此使人歸更早。三月便達長安道。長安道上春可憐。搖風蕩日曲江邊。萬戶樓臺臨渭水。五陵花柳滿秦川。秦川寒食盛繁華。遊客春來不到家。鬪鷄下社塵初合。走馬章臺日未斜。章臺帝城稱貴里。青樓日晚歌鍾起。貴里豪家白馬驕。五陵年少不相饒。雙雙挾彈來金市。兩兩鳴鞭上渭橋。渭城壚頭酒新熟。金鞍白馬誰

家宿。可憐錦瑟爭琵琶。玉壺清酒就君家。小婦春來不解羞。嬌歌一曲楊柳花。劉云崔顥落第落第歌自得刻削乃不能及

江邊老人愁

江南少年十八九。乘舟欲渡清溪口。忽逢江邊一老翁。鬚眉皓白已衰朽。自言家代仕梁陳。垂紫拖金三十人。兩朝出將復入相。五世疊鼓乘朱輪。父兄三葉皆尚主。女子四代為妃嬪。南山賜田接御苑。北宮甲第連紫宸。直言榮華未休歇。不覺山崩海竭兵戈亂。入建康城烟火連。燒未央闕衣冠女子陷。鋒刃良將名臣盡。埋沒山川改易失朝市。衢路縱橫填白骨。

唐詩三卷
老人此時尚少年脫身走得投海邊罷兵歲餘未敢
出去家三載方來旋蓬蒿忘却五城宅草木不識清
溪田雖然得歸到鄉土零丁貧賤長辛苦采樵屢入
歷易山川稻長過新林浦少年欲知老人歲豈知今
年一百五君今少壯我已衰我昔少年君不覩人生
貴賤各有時莫見羸老相輕欺感君相問為君說說
罷不覺令人悲

七言古詩卷之六

唐詩品彙三十

